

Biblioteca
ASTRA, Sibiu

193

P.C.N.
05

T1-251



DE
VANITATE
CONSILIORUM
LIBER UNUS,
IN QUO
VANITAS
Conventu. et *veneris 1823*
VERITAS *Fr. Maria*
RERUM HUMANARUM
Politicas, & Moralibus Rationi-
nibus clare demonstratur,
& dialogice exhibetur;
AUCTORE
STANISLAO LUBOMIRSKY,
REGNI POLONIÆ MARESCHALLO.

Juxta Editionem Lipsiensem de Anno
MDCCXII.

CLAUDIOPOLI Reimpressum
MDCCLXXXV.

69
3440



Herodotus Lib. VII.

S Vadeo tibi Rex, bene deliberare, in
quo maximum est lucrum. Nam etiam-
si aliter accidat: nihilominus tamen
bene consultum est, & superavit for-
tuna Consilium. Qui vero male Con-
silium cepit, si fortuna ei arrisit, ille
est quidem voti sui compos; sed nihi-
lo fecius male consultum est.

Comes JOANNES LÁZAR, L.
Báró de Gyalakuta, Sacré Cœsa-
reo Regicē & Apostolicē Majesta-
tis Camerarius, a Genitore suo
Excellentissimo ac Illustrissimo quon-
dam Comite æque JOANNE LÁ-
ZAR Libero Barone de Gyalaku-
ta, Camerario intimo, Status &
Excelsi in Transylvania Gubernii
Regii Consiliario utrobique actu-
ali intimo, Inclitorum Magni Prin-
cipatus Transylvaniæ, Trium Na-
tionum Status & Ordinum dignis-
simo Præsidente hocce VERITATIS
monitore, & consultore, VANI-
TATISQUE proscriptore Libro An-
no 1772. dum iter Viennense ado-
lescens 18 vum ætatis annum a-
gens, ingredetur, donatus; E-
undem

undem Librum, nunc dum veritatis optima consilia vanitatum argutiis obfuscantur, veritatemque cognoscere difficile factum est, pro cuiusvis monitore infallibili atque exactissimo propriis impensis reimprimi fecit, charisque sibi in Patria concivibus donavit, & distribuit, ex animo rovens, ut chara sibi Patria utiles ex illo fructus hauriat. Claudiopoli durantibus publicis Regni Comitiis Die 15-ta Februarii Anno Domini Millesimo septingentesimo, nonagesimo quinto.

Comes JOANNES LAZĀR

*T. Vincze Péter művek
"ajándékzatok."*

APPROBATIO.

VERITATI testimonium perhibiturus
VANITATEMQUE consilio prescri-
 pturus, Magnus ipse magni consilii
 Angelus advenisti: utpote inconcussæ
 Fidei Orthodoxæ veritati, Patriæ in-
 tegrity, legum, Libertatisque Polon-
 iæ indemnitati consulere volens. Flu-
 enta hæc eloquiorum tuorum sera mi-
 rabitur Posteritas, dum quot arcana
 rerum leget Consilia, tot sapientissima
 agendorum omittendorumque numera-
 bit oracula. Nec mirum! Gentilitius
 Tuus *Srzeniawva*, igneus rapidusque
 Fluvius limpidissimos sanorum consilio-
 rum dimanat fontes, quibus hinc va-
 nitatem obruendo proterit, inde veri-
 tatem irrigando in cordibus Procerum
 conservat. Quod ex animi sui senten-
 tia vovet, ac ut typis mandetur con-
 cedit, Varsaviæ die 14. Januarii 1700:

NICOLAUS SWIEICKI,
 Episcopus Posnaniensis.

Reimprimatur Claudiopoli, Die 17-ma-
 Febr. 1795. C. JOAN. NEP. ESZTER.
 HAZI. m. p.

INDEX CONSULTATIONUM.

- C**ONSULTATIO I. De Consilio,
& Consiliariis.
CONSULTATIO II. De ferendis Le-
gibus, & Statutis.
CONSULTATIO III. De Discordiis
Civilibus, & Unione animorum.
CONSULTATIO IV. De Fæderibus,
& Colligationibus.
CONSULTATIO V. De Legatis, &
Legationibus.
CONSULTATIO VI. De Titulis dan-
dis, & negotiis Cancellariae.
CONSULTATIO VII. De Promotio-
nibus, & Distributione Vacantiarum.
CONSULTATIO VIII. De Feudis
dandis & investituris.
CONSULTATIO IX. De modo excu-
sandi se ab importunitate Postulatis.
CONSULTATIO X. De non omit-
tendis occasionibus rerum
CONSULTATIO XI. De tempore in-
dicendorum Comitiorum Regni.
CONSULTATIO XII. De Congressi-
bus particularibus Provinciarum,
vulgo Comitiolis assignandis, &
Ordine illorum.

- 7
- CONSULTATIO XIII.** De Comittis
 Ordinum generalibus.
CONSULTATIO XIV. De Consilio
 post-Comitiali.
CONSULTATIO XV. De Commisso-
 nibus instituendis.
CONSULTATIO XVI. De Contribu-
 tionibus exigendis.
CONSULTATIO XVII. De ærario ,
 & ejus ordinatione.
CONSULTATIO XVIII. De Causis ,
 & Præparamentis ad bellum.
CONSULTATIO XIX. De formando
 Exercitu.
CONSULTATIO XX. De fortificatio-
 nibus Locorum.
CONSULTATIO XXI. De inchoatio-
 ne Belli offensivi , & diversis ca-
 sibus bellandi , Consiliisque Bellicis.
CONSULTATIO XXII. De Causis
 Pacis , & Tractatu ejusdem.
CONSULTATIO XXIII. De accep-
 tanda Mediatione Pacis , & cir-
 cumstantiis in ea necessariis.
CONSULTATIO XXIV. De Tracta-
 tu Pacis , & conclusione utili &
 proficua.
CONSULTATIO XXV. De Status regi-
 mine tempore Pacis , & ordina-
 tione rerum necessaria.

CONSULTATIO
PRIMA
De Consilio, & Consiliariis.
I.

VANITAS. Pulcherrima omnium,
& maxime Principi necessaria res
est, Consilium.

VERITAS. Fateor: si sciat va-
ticinari, quod nam succedet.

II. VAN. Ego valde amo Consilium.

VER. Non primus es, qui illud
tam laudabiliter adamasti. Ego mul-
tos scio, qui amore Consilii Im-
perium perdiderunt.

III. VAN. Consilium me salvabit.

VER. Sicut infirmum multi Me-
dici, qui in maximo Consilii sui
fervore, de morte ægroti exactis-
simum nuncium acceperunt.

IV. VAN. Sed bonos Consiliarios
mihi eligam.

VER. Fortasse ex Metoposco-
pia, vel Chiromantia cognoscentur.

V. VAN. Sed eligam mihi Consiliarios probatos.

VER. Tardum experimentum, velox periculum sat sero disces, ex cuius Consilio pereundum tibi erat.

VI. VAN. Ego tamen Consilium mihi formabo.

VER. O! quam anceps illud erit. Si ex Senibus? tardum, timidum, & irresolutum. Si ex juvenibus? præceps, impatiens, & raro solidum. Si autem ex Doctis? multiloquum, & pertinacissimum. Si ex indoctis? leve, incautum & impracticabile. Si ex divitibus? contumax & licentiosum. Si ex egenis? interessatum & corruptibile. Si ex Domesticis? adulatorium & servile. Si ex extraneis? minus partiale, & inde raro fidele. Si ex multis? longum, confusum, varium; Si ex paucis? vix plenum, & semper aliquid desiderans. O quam artificio-

ficiosissima rerum innodamenta ! o quam sapientissima intenebramenta Veritatis ! o quam elaboratissima negotiorum impedimenta !

VII. VAN. Sed, ex multis sensibus, unum bonum eligam.

VER. Utinam satius ex uno bono, multum ; audivimus Sapientissimos quosque, quam multis pauca complexi sunt.

VIII. VAN. In arduis & difficilimis rebus requiram multos, & quidem prudentissimos Consiliarios.

VER. Requiere potius duos tantum, & simplicissimos ; occasionem & necessitatem. Brevissima tibi dicent, & facillime ; & quidem plura utiliora ; quam strepitus multorum sermonum, inter se diu dissidentium.

IX. VAN. Ecce jam Consilium mihi formavi : o quam dignissimi viri ! o quam optimi Cousiliarii
VER.

V E R. Erunt mox indignissimi , si
veridici vel infelices ; pessimi , si
mali haruspices.

X. V A N. *Quot sententias , tot
audiam oracula.*

V E R, Imo verius , quot Oracula , tot ænigmata ; quæ non nisi post eventum intelligentur , cum illa jam corrigere non poteris. Interim tamen auscultabis , ac percipi-
es frugalissimos omnium expen-
sarum Patres , præterquam Tem-
poris ; videbis accuratissime osci-
tantes , tussitantes , dormitantes ; au-
dies , & obstetricaberis difficillimos
oris partus , sermones sensusque
remotissimos ; nihilque intensius
somniantes , quam ne intelligantur.
Dolebis materias incestuosissime
tractatas , nec exempla aut senten-
tias ad rem , sed miseram rem ad
sententias & exempla violenter
adductam. Sedebis in officina , in
qua omnibus alliis rebus intensi-

A ssime

ssime studebitur, præterquam Materiæ; oblectaberis Romanorum antiquitatibus, Græcorum argutiis, Spartanorum moribus, hisque omnibus ad satietatem imbutus, & abundantissime satisfactus hoc unum tandem optimum, ac tibi saluberrimum prudentissime concludes, ut quantotius omnes desinant.

XI. VAN. *Ego tamen consulam.*

VER. Consule tecum potius, an consulere debeas. Plerique rem optimam, quæ sine Consilio melius subsistere poterat, in Consilio destruxerunt. Cæsar in consilio periit; Pompejus Consilio Ptolomæi proditus, mortem habuit; Alexander Consilio Philippi venenum hausit; Roma cum Consilio Saguntum perdidit; Annibal ex Consilio Exercitum amisit. Sed quid vetera? Hispania propter Consilia Hollandiam cessit. Neapolis, Cyprus, Sicilia, per Consilia

filia ad alienos Reges transiere. Hetruria consulendo libertatem ammisit, & Uladislaus Quartus Rex Poloniæ, nonne maximos Sacri belli apparatus consulendo delevit? Et quid pluribus opus exemplis?

XII. VAN. *Ego jam consilium convocavi.*

VER. Gratulor consummatissimum fastidium, exactissimam temporis jacturam, secretissimum nihil.

XIII. VAN. *Ecce Camera Consilii.*

VER. Video potentissimæ aquilæ exquisitissimam caveam.

XIV. VAN. *Jam Consilium incipio.*

VER. Incipe feliciter hanc incertissimam artem Divinatoriam, sed magis ut animos hominum noscas, quam ut veritatem discas.

XV. VAN. *Claude fores, ne secretum efferatur.*

A 2.

VER.

VER. Claude potius aures Uxoribus, Amasiis, concubinis, nec non confidentissimis Aulæ parasitis & intriconibus.

CONSULTATIO SECUNDA.

De ferendis Legibus & Statutis.

I.

VAN. *Imprimis formabo mihi Leges..*

VER. Forma simul & homines. Facilius enim est præcepta dare, quam mores.

II. VAN. *Sine Legibus Respublica stare non potest.*

VER. Minus stabit, si illis obhruetur.

III. VAN. *Qui non vetat peccare, cum possit, jubet.*

VER. Imo sæpius docet, qui nimium vetat.

IV.

VI. VAN. Ideo feram Leges, ut
sciant quae sint vetita.

VER. Utinam satius nescirent;
multi inhibendo Jus peccandi de-
derunt. Vetando, multi docuere vi-
tanda. Define (crede mihi) vitia
irritare vetando.

V. VAN. Sed faciam Leges u-
tileſ & neceſſariāſ.

VER. Fortaffe potius dices
fraudes veritatis, aueupia homi-
num, lucra interpretum, retia Ju-
dicū, speciosissima flagella Vir-
tutis, honestissimas catenas liber-
tatis. Quotusne Leges formando
virtutem respexit? se ipsum ne-
glexit, Rempublicam cogitavit.

VI. VAN. Scribam Leges varias.

VER. Velleſ ſcire, quales.
Nam ſi arduas; nemo illas viola-
bit, ſed omnes; Si faciles, fine
lege facient.

VII. VAN. Formabo Leges
multas, variis caſibus ſervintes.

VER. Circumspectior eris Moyse, felicior Deo, qui decem tantum Præcepta dedit hominibus tam necessaria, quibus paucissimi vix obediunt; Tu vero millenis Legibus tuis prætendis, ut unanimiter omnes obtemperent, facilita ora erunt hominibus flagitia, quam Leges. Minus arduum erit leges contemnere, quam discere. Formabis tibi Sinense Alphabetum, ex triginta millibus literarum compositum, sapientissima obstacula virtutis. Tales leges timebunt omnes, sed magis, ne illas legant, quam ne transgrediantur. Tempus, quod dabis Legibus, eripies Virtutibus. Florescent Jura, marcescent homines, dum omnes non facienda tantum cogitabunt, nemo agenda.

VIII. VAN. Statuam Legem contra ambitiosos, ne possint ambitu turbare Rempublicam.

VER.

VER. Ambitum non claudes,
rixas aperies, crescat Civium con-
tentio, non cessabit ambitio: Ig-
nem conto fodies, flammam folle
non sedabis, contra ventos vela
facies, non dediscent omnes cupe-
re, discent irasci. Fræna ambien-
tibus non impones; Expones
Rempublicam; palam facies, qui-
bus coercendis impar sis. Cæsar
Romanis non imperavisset, nisi de
ambitu fuisset vexatus. Pompejo
Regnum debet, quod ambitum e-
jus pateficerit, quod potentiam
laceraverit. Nec ideo & ip-
se æquior in Rempublicam fuit,
quod Cæsari secrete & cum pudo-
re ambienti palam & sine pudore
verius invidit, quam obstat. Ne-
mo enim, nisi magis ambiens, de
ambiente conqueritur; ambiant
omnes, ut nemo.

IX. VAN. Legem faciam, ut
Magistratus non sint perpetui.

VER. Quod diutius non poterunt, facient saepius & citius. Vtabis, ne rapinas differant in annos, admonebis, ut exerceant in horas. Nulla potestas gravior est populis, quam quae metuit desinere. Brevi fortunæ moderari difficilimum est. Plato in Republica perpetuos Magistratus esse debere decrevit. Deus Judices populo suo electo ad vitales & immutabiles præposuit. Nihil enim iniquius est, quam justitiam vel Curam Rerum publicarum, quæ stabilissima esse debent, continuis Magistratum mutationibus agitari. Quis exculturus est fideliter agrum pro vere, quem hyeme resignaturus sit? aut quis equum saginaverit multo labore, qui aliud vehat, & forte adhuc sibi æmulum vel hostem? Nemo amat quod gessit, quia justum fuit, sed quia suum. Ergo Provincia semper

semper exercebitur ab inchoantibus? nunquam a consumatis? Nemo tractabit Rem publicam ut suam, semper ut alienam? Continuo fluctuabit Regnum inter cupidos & imperitos? ac inter tot varios, multosque denuo errantes; nec illud solum restabit populo dulce solatium damnorum, posse habere unum, quem accusent. Et quod maximum: unius virtutes facilius Respublica præmiabitur, quam multorum castigabit flagitia, facilius unius implebit cupiditatem: quam sufficiet vicissim sibi concessæ avaritiæ.

X. VAN. Uno verbo, colligam Leges exactissimas, ut nihil deſit, cui obedire poſſint.

VER. Breviorem te viam docebo: Jube quod cupis, ut vitent; veta quod volueris, ut faciant.

**C O N S U L T A T I O
T E R T I A.****D e D i s c o r d i i s C i v i l i b u s ,
& U n i o n e a n i m o r u m .****I.**

V A N I T A S. *Discordes sunt in Republica Civium animi.*

V E R I T A S. Male est, si boni; si mali. Discordia malorum, securitas est honorum. Boni diu discordes, Mali diu concordes esse non possunt. Ad quid igitur allaboras circa primum, quod per se fiet, circa vero alterum, quod impossibile est, ut fiat.

II. V A N. *Sed discordiis corruet Respublica.*

V E R. Plura desidiosa concordia perierunt. Discordia Elemento-

torum mundi vitæque est harmonia. Tunc, plane interire mundum necesse erit, cum ad æqualem quietem omnia devenerint. Non minus damnsa est Navigatori nimia malacia, quam tempestas. Non progreditur navis sine ventis, sed gubernatoris prudenter novit ex ventorum varietate vela moderari.

III. VAN. *Ego volo discordias componere.*

VER. Video, quod velis aquas cum flammis conjungere in unum, aëra sine nubilis, nubes sine tonitu, esse desideras.

IV. VAN. *Ubi concordes fecero Cives, juvabunt Confilio Rempublicam.*

VER. Respicient concordiam, quibus utilior fuit discordia, quam Respublica. Difficile est inter Honestum & utile medium invenire.

V. VAN. *Ego tamen curabo,*
ut sint amici, qui erant di-
scordes.

VER. Cura potius, ut virtuti
sint amici, tunc erunt & inter se.
Constringe prius animos, ut fine
Virtutis amicitias colant, non spe
utilitatis. Quomodo concordes fa-
cies, quorum cupiditatibus longa
spe materiam præbuisti ad invi-
dendum: majoris discordiam ces-
sare facit, servitus aliena: mino-
ris, æqualitas. Difficile est men-
tibus diu ad discordiam edoctis
æquale pondus dare: Tu autem
studuisti multo temporis spatio di-
scordes habere, quos in momen-
tum concordes reddere adlaboras.
Revolve, quibus dedisti alimenta
superbiæ honoribus, qui in suo
gradu stare poterant concordes,
quibus innata mediocritas mode-
rationem dedit, abstulit potentia;
Diuturnis vitiis depravatos animos,

&

& longa mutatione conditionis deformes, ac inde inter se difformes, in vanum transformare studes. Qui multis fortunæ erroribus diu ab amicitia desueverunt, impossibile est in puncto amicos fieri. Tolle prius occasiones cupiditatum, & auferes instrumenta rixarum.

VI, VAN. Componam discordias, ne turbentur Consilia.

VER, Si inter se non concordabunt, fac saltem, ut tecum concordent: qui erunt iidem unitercio, erunt iidem & interse; si prius amicos non feceris tibi, quomodo illos amicos aliis te factorum speras? si te vere amaverint, & tuum Consilium non turbabunt, quod tu mas, etiamsi inter se dissentiant.

VII. VAN. Utar variis & potentissimis mediis ad reconciliandos animos.

A 7

VER.

VER. Vellem scire quibus si spe, periculoseum est. Longa spes docet errare; delusa, odisse. Si promissis dubium est; oculatas habent manus, non nisi quod vident, credunt. Si metu potentes facies calcitrare, debiles desperare,

VIII. VAN. *Ego tamen concordiam persuadebo.*

VER. Bene suadebis, si ab illic amaberis. Nulla potentior est persuasio, quam si ille, qui suadet, amatur. Primo cura; ut ipse ameris, deinde alios amicitiam doce.

CONSULTATIO.

QUARTA.

De Foederibus, et Colligationibus.

I.

VANITAS. Cum Principe vicino & amico fædus sanciam, & in colligationem intrabo.

VE.

VERITAS. Cogita statim, quomodo & exeas. Multi potentiores amicos nacti, in servitutem regnum tradiderunt.

II. VAN. *Sed contra hostem opus mihi est fœderato Principe.*

VER. Si debilis erit, in periculum secum trahet. Si fortis, habebis cui servias, qui liber eras; antequam hostem vincas, novum inimicum expecta. Multi, quibus deerat inimicus, ab amicis oppressi sunt.

III. VAN. *Sed formabo conditiones fœderis.*

VER. Dic potius, Lapidés offensionis, occasiones exprobrationis, causas mali, quas incautus tibi scripsisti: Si vinces; habebis iniquum tecum divisorem prædaram: si perdes! audies accusatorem sine auxilio, et postquam cum inimico finem feceris, incipies ri-

xas

xas cum amico: revolves articulos pactorum, unde plus colliges. quantum ignarus erraveris, quam quantum Victor possederis.

C O N S U L T A T I O Q U I N T A .

D e Legatis & Legionibus.

I.

VANITAS. *Deliberandum mihi est, an mittere debeam Legionem ad principem amicum.*

VERITAS. Facilius tibi erit invenire Legatum, quam amicum.

II. **VAN.** *Ideo etiam mittam Legatum, ut me certiorem faciat, & exploret amicitiam istius Principis.*

VER. Ego autem metuo, ne iste explorator prior exploretur. Segnius observatur Domesticus, quam hospes. Facilius cognoscitur a multis oculis unus, quam ab

ab uno oculo omes, remo accuratius cernitur, quam qui expectatur.

III. VAN. Sed mittam virum prudentem, & eloquentem Oratorem.

VER. Velle scire, quibus in negotiis. Si enim serviet voluntati illius, ad quem missus est, audietur & laudabitur. Si vero petet auxilium, non erit Orator, sed Morator. Prius enim inimicus veniet, quam Orator ab amico audiatur.

IV. VAN. Sed qualibet Septimanā mihi scribet de successu rerum.

VER. Non dubito, quod multa ab illo leges, sed pœuca colliges. Multa scribet incerta, plura affectata, plurima perplexa; si tarde nunciabit; segnem experieris. Si cito: mendacem. Multi gravissimi Virorum per velocissimum

mum Nuntium longissima mendacia scripserunt. Plurimi Virorum capacissimi, adhuc non certa scribere metuentes, jam tarda & inutilia nuntiaverunt. In utroque ergo imperfectum informatorem habebis.

V. VAN. Sed multa prudentia & dexteritate sua persuadet, & negotia perficiet.

VER. Sat tuum temporis prudens erit, si ante infectas res tempestive redierit. At si prudentiam ejus ex multitudine Literarum mensurabis, tu imprudens, ille felix, quod nihil agendo plura tibi, quam illi, ad quem missus est, persuadet. Tunc securere in laudem Oratoris tui exclamare poteris; o virum sapientem! qui tam exacte nihil fecit. Interim tamen accipies ab illo diffusissimas scripturas, quæ plus negotii tibi dabunt, quam dicent. Scribet occultis notis, res sine clave aper-

apertas , erisque ab illo optime rebus imbutus , p̄esime satisfaetus. Leges multa folia , paucos fructus , plus cogitabit , quo gradu sedeat , quam quo negotium tuum h̄ereat. Omnes Epistolarum ejus parentheses divagabuntur circa Laudes diligentiae suæ , omnes periodi terminabuntur in Spe & difficultate , pessimis expectantium scopulis. Vela tamen ventis implebuntur ante naufragium ; expeditur tandem cognita post longam moram Fortuna tua , quæ si bona fuerit , auxilium tibi declarabitur , quo jam opus non habebis , proprio successu contentus , & gratias ages ; si vero mala , opem habebis tardam , & impor tunam , quæ te implicabit potius , quam juvabit , dabiturque tibi esca , ut capiare.

VI. V A N. *Ego tamen spero,
quod Legatus portabit mihi
multa utilia.*

VE R. Nihil tibi poterit utili-
us portare, quam Doctrinam cau-
te fidendi. Portabit & literas re-
sponsorias, titulis plenas, & ef-
fectu vacuas: in quibus apud te
dexteritas Legati commendabitur.
Et juste: quia illi utilior fuit,
quam tibi. Rogaberisque ut ta-
lem semper mittas.

VII. V A N. *Ego tamen Lega-
tum mittam.*

VE R. Discedat feliciter ad hanc
Scholam, ut ibi discat illud, quod
Evangelium negat: Quomodo duo-
bus dominis servire.

VIII. V A N. *Quid ergo faciam,
si Legatum non misero?*

VE R. Mitte potius ad illum
famam potentiae tuæ, exercitus
semper parati & bellicosi, præpa-
ramentorum sufficientium, certitu-
dinem

dinem roboris, terrorem tui; & non erit tibi opus expedire Legatum, quia alii Legatos ad te mittent. Ita non aliena expectabis responsa, sed dabis tua.

CONSULTATIO

SEXTA.

De Titulis dandis, & negotiis Cancellariæ.

I.

VANITAS. *Qualem dabo titulum huic Principi, nondum apud me determinavi.*

VERITAS. Da illi: Jovi, Optimo, Maximo; dummodo faciat, quod tibi interest. Nil refert tibi cogitare, quomodo illum appelles, sed quomodo ab illo, quod petis, obtineas.

II.

II. V A N. *Nolo illi dare plus quam illi competit.*

V E R. Non considera id, quod illi competit, sed quod tu ab illo petis: si ab illo rem postulas, quomodo illi verbum recusare potes?

III. V A N. *Vellem scire, quo titulo illum tractent alii Principes.*

V E R. Antequam invenies titulum, perdes amicum: & si malum inveneris & incompetentem titulum, pariter offendes: mensurabis umbram, ponderabis fumum, & negotium cum illo, quo tibi maxime opus est, omittes.

IV. V A N. *Jam fortasse illi dabo titulum serenitatis.*

V E R. Si illi hoc dederis, similis eris Deo, qui petitur ab hominibus: dona nobis serenitatem.

V. V A N. *Satis credo erit, si me ad illum subscripsero, verus, vel bonus frater.*

V E R. Optime & justissime. Multi enim sunt falsi fratres, multi mali: Idem fortasse esset, si uno verbo subscriberes: rarus frater. Quia boni & veri rarissimi sunt in Orbe.

VI. V A N. *Ita credo satis erit.*

V E R. Etiam si non erit satis, fac ut satisfiat. Nemo amicorum discretius prætendit, quam qui verba exigit. Horum parsimonia semper inutilis est; liberalitas multum valet. Memini quadam vice, cum Consiliarii Cameræ cujusdam Regni, quorum mihi intererat, offensos se putarent, quod titulum Excelsæ Cameræ illis non dedissem; dolui, & promisi me illis semper imposterum scripturum: o gloriofa Camera, Excelsa super sydera. Felix est ille nimium Phar-

Pharmacopola verborum , qui amīcīs decem uncias valentibus , centūm verboſi honoris libras dare potest.

CONSULTATIO SEPTIMA.

De Promotionibus & Distributione Vacantiarum.

I.

VANITAS. *Vacat dignitas.*

VERITAS. Non dubito ; pauci enim sunt digni.

II. VAN. *Ideo cogito & delibero , cui illam conferam.*

VER. Si diu cogitabis , concitabis multos , priusquam unum obligabis. Si vero breviter , facile errabis. Utrumque ergo tibi cavendum est. Et sicut in mari metuendae sunt multæ procellæ , ita in statu

statu spes multorum. Sæpe dete-
riora sunt diu sperantium, quam
breviter desperantium ingenia.

III. V A N. *Habeo jam in pectore*
Virum dignum, cui conferam
hoc Officium.

V E R. Credo, quia scis, quem
habeas in pectore, sed nescis quid
ille habeat. Multos melius indica-
vit Officium, quam natura. Plures
clarior vitia, quam oculi.

IV, V A N. *Sum certus, quod in*
electione non me fallam; quia
optime novi subjectum.

V E R. Bene facies, si nosti;
sed si ille te prius cognovit, non
tute falles, sed ille te fallet.

V. V A N. *Assecuro, quod est Vir*
prudens.

V E R. Non potes dicere, quod
sit, sed quod possit esse. A pos-
se ad esse longissima distantia est.
Sæpe qui ante Officium apparue-
B. runt

runt prudentes, disparuerunt in
Officio; alii infelices, pro impru-
dentibus viii sunt. Quosdam for-
tuna stultos fecit, & quosdam sa-
pientes.

Vl. VAN. *Uno verbo, hic Vir
multum mihi placet.*

VER. Multis obfuit, displicu-
iffe Principibus; plurimis, nimi-
um placuisse.

VII. VAN. *Sed ille Vir est
probus.*

VER. Mallem, si dices, pro-
batas. Si illum laudas, antequam
illi contuleris, nimis tempeitive.
Si vituperas, postquam evexeris,
nimium tarde. Ita difficile cogno-
scuntur hominum ingenia, ut nunc
facilius sit vias astrorum investiga-
re, quæ remotissima a nobis sunt,
quam vicinissimas hominum. Pro-
bitati nullus est locus in rebus,
quæ ex successu probantur; erit
mox improbus, si male successerint.

VIII.

& Distributione Vacantiarum. 37

VIII. VAN. Sed est vir constans
in rebus.

VER. Ubi vidisti Nautam sapi-
entem ad unum semper ventum
vela vertere? Tempestati paren-
dum est, non resistendum, nisi
velis rem constantissime perdere:
& ille etiamsi sit constantissimus, non
voluntarie fiet non constans, sed
necessario; & si constantiam nimi-
um contra rationem Status manu-
tenere voluerit, jam non constans,
sed pertinax vocabitur: nihilque
illi restabit, quam ut amore con-
stantiae miserimus dicatur; erit-
que in sua constantia sibi glorio-
sus, & tibi permiosus.

IX. VAN. Ideo illi conferam
hoc officium, quia est Vir ma-
gnae autoritatis

VER. Optarem tibi, ut potius
effet magnæ fidelitatis; pauci sunt,
qui autoritatem ab ambitione sci-
unt discernere, nisi forte autori-
tatem

tatem in eo præsumant, ut omnium rerum autores soli esse velint,
& optimorum Consiliorum (quorum non ipsi autores) inimici:
Talem autem autoritatem nolle
illum habere.

X. VAN. *Cui ergo conferam,*
quia hunc solum scio optimum esse.

VER. Optimum illum esse putare potes, scire non potes: solum vero illum esse, nec similem habere, idem est, quod pessimum fieri. Hoc tibi ipsum metuendum est, ne solus sit talis, quales esse debent plures. Hoc igitur illi obest, quia non habet parem. Et quod tibi periculosius est, non patietur habere. Unde prius quære illi similem, si inveneris, confer; si non, da alteri, qui alios sibi pares, vel saltem unum parem habeat. Ut homines tuto eli-

eligas, oppone naturam nature, virtutem virtuti, potestatem potestate

CONSULTATIO.

OCTAVA.

De Feudis dandis & In- vestituris.

I.

VANITAS. *Erigam Feudum ex Provincia remota, quam
commodo tenere ipse non possum.*

VERITAS. *Erges cristas
Amicis & Vicinis, aperies oculos inimicis, seminabis tibi bellum,
ex terra deserta nasciturum, quando minime speraveris.*

II. VAN. *Uno verbo, installabo
& faciam ibi Principem Feudatarium.*

VER. *Facies Vicinis pulcherrimum scopum, ad quem omnes*

B 3 jacu-

jaculentur; aperies portam Labyrintho, & eris Theseus inimicis tuis ostendens, per quod filum ad te perveniant.

III. V A N. *In summa, habebo sub me Principem Feudatarium.*

V E R. Metue statim, ne posit esse supra te, vel alii supra illum; & scabellum fiat illorum, qui ad te ascendant. Si erit fortis, poteris habere inimicum, si debilis, non poteris habere auxiliatorem.

IV. V A N. *Mittam illi hoc vexillum, in signum obedientiae & dependentiae a me.*

V E R. Non dubito, quod illi gratissimum erit, quia illud servabit exactius in Archivo, quam conditiones tuas in corde, continuo de te cogitabit, sed magis quomodo a te liberetur, quam quomodo confinia tua liberet ab incursionibus.

V. V A N. Sed ego observabo eum,
& cautus ero.

V E R. Importunissimam occupationem ipse tibi parabis, ut habeas aliquem, a quo caveas; huc usque timuisti inimicos, nunc timebis & amicum. Salubrius tibi erat, ex ista terra, quam dubiose & periculose armasti, desertum fecisse, quod per difficultatem transitus, commeatum penuriam, inimicum amovisset; quam parare hostibus tuis vicinis horreum perpetuum, quod semper defendere tenearis: ut illos tibi ex remotis hostibus viciniores reddas. Habebis semper expensas, ac pericula semper cogitabis, ut pro illo promptas teneas suppetias. Si illum juvabis, bellum tibi parabis; si non, vel inimico cedes, vel neutralem facies. Qui justissimus erit gradus tibi minime obediendi, vel sine te cum hoste transfigendi. Si

eventus illi bene successerit, tu il-
li potius fies obediens. Si male:
eritis ambo hostibus, habebisque
fidelem socium, cum quo simul
pereas, vel infidelem, qui in ma-
lum tuum crescat. Revolve mis-
rias Feudorum, Transylvaniam,
Valachiam, Moldaviam, Neapo-
lim, & alia Europæ Regna, quæ
te meminisse juvabit.

VI. V A N. *Jam deliberavi &*
concludo, quod Feudum hoc
erigam, & creabo Feudata-
rium Principem.

VER. Erige feliciter & glo-
riose hanc scholam pro inimicis ti-
bi nocendi, & crea hunc Ludim-
agistrum, cum quo tibi perfectissi-
mè nocere exerceantur, vel il-
lum doceant.

CON-

CONSULTATIO.

NONA.

De modo excusandi se ab
importunis Postulatis.

I.

VANITAS. *Invenire modum non
possum, quomodo me excu-
sem ab importunis postulatis,
quæ mihi adferentur.*

VER. Excusationem a te mere-
tur, qui inimicus est: qui amicus,
ipse te excusabit.

II. VAN. *Sed nescio adhuc præ-
cise, quid a me petet.*

VER. Qualemque est, quod
a te petet, jam scimus, quomo-
do illi concedes, sed nescimus,
quomodo illi neges.

III. VAN. *Inveniam tamen mo-
dum, quomodo me excusem.*

VER. Potius prævenias illum
rogando, ut si negaverit, non te
B 5 excu-

excuses, sed illum accuses; ut in
hac postulatorum luēta prior sis,
qui petitorem vincas. Prius cu-
ra, ut ille tibi recuset, quod non
vis, quo æquius illi neges, quod
ille vult.

IV. VAN. *Sed timeo perdere a-
micum, si negavero.*

VER. Tantundem, imo vilius
perdes, si nolens concederis; quod
negare non potes, da prius quam
petat, pulcherius donabis quam
concedes. Gloriosius est lucrari
amicum, quam servare; multis
præstabis, si illi, per quem mul-
ti obligantur.

V. VAN. *Fingam me impedi-
tum esse, ut subterfugiam oc-
casione petendi.*

VER. Prius cogita de modo,
quomodo hoc figmentum tuum
non cognoscatur. Bis offendes, &
fingendo & negando, ingeniosissi-
mè non effugies & fugies igno-
mini.

miniosissime, sicut illi, qui solent ex certamine, hoste nondum viso.

VII. VAN. *Fortasse petet a me aliquod beneficium, vel pro se, vel pro amico.*

VER. Non hoc metuendum est tibi, sed ne veniat tertius & quartus, qui a te idem petat; expectabisque modum in uno, quomodo multos offendas. Si eligis dare, da cito; Si debes, da libenter.

VIII. VAN. *Aut petet a me auxilium contra inimicum.*

VER. In hoc punto facillima tibi erit resolutio. Quia si non habes copias ad succurrendum, sine offensa negabis. Quia nemo dat, quod non habet. Si habebis, quarum non indigeas, nihil optatius tibi erit, & commodius, quam militem tuum in aliena terra alere: utrumque opportune facies, vel negabis sine illius offensa, vel concedes sine tuo damno. Si vero indige-

46 *De Modo excusandi se*

digebis, tanto facilius te excusabit
necessitas tua.

VIII. V A N. *Potest etiam fieri,*
quod petet a me instantiam ad
aliquem Principem pro se, vel
amico.

V E R. *Hoc utinam tantum, quod*
omnium felicissimum est, semper
instare, & nihil præstare, sic reddes
meritissime talionem alteri, sicut
alii ad te institerunt, & tu instabis:
semper felix in eo, quod etiam ni-
hil efficiendo obligabis: In hoc
puncto nolim, ut te a Postulatore
abscondas.

IX. V A N. *Sed si petet a me succur-*
sum pecuniarium.

V E R. *Terror ad vocem tam*
inexpectati periculi. In hoc casu
optarem, te habere ad omnes au-
llas perspicacissimos exploratores,
qui auritas excubias pro te agant:
ut quam celerrimo nuntio præmo-
nitus, quam citissime ad tales pri-
or

or expediās, & pecuniam ab illo petas. Alias enim, si te cum tali postulato infaustissime quispiam prævenerit, necessitatē incusabis, non voluntatē: inopiam, non parsimoniam; thesaurum, non animū: & quam promptissime Legatum expediēs, quam humanissimis literis felicissimos successus exoptando; erisque verbis pronummis liberalis: & si illi bene sine tua ope pecuniaria res successerint, gratulaberis ex corde rem bene paractam, vel victoriam partam, & cum triumpho bis Diis ages gratias. Primo, quod Vicinus tuus vīctor extiterit; Secundo, quod sine ærarii tui dispendio tam præclaras illi Lauros Dii concesserint.

X. VAN. *Adhuc unam rem suspicor, ne me roget pro quodam Adversario meo, qui me*

B 7

gra-

*De non omittendis
graviter offendit, ut illi par-
cam.*

VER. Et quid inde; hoc ni-
hil præclarus, quod a te petet.
Quia ea re obligabis amicum, ad
quam te virtus obligat. Princi-
pem te esse scito, cuius sors ea
est, ut tres literas P.P.P, semi-
per ante oculos pro Symbolo ha-
beat, ut discat, Prodeesse, Pati,
Parcere. Hæc enim est Princi-
pum Conditio.

CONSULTATIO.

D E C I M A.

*De non omittendis occasio-
nibus rerum.*

I.

VANITAS. *Multæ occasions
mihi præsentantur, quas nol-
lem omittere.*

VER. Divinatorem erga te es-
se

se oportet, quam prius arripere tibi melius & tutius sit. Multi capiendo occasiones, capti sunt ab occasionibus. Optarem, ut in hoc occasionum labirintho, unam eligas, ne a multis confusus erres. Quandoque satius est occasiones habere nullas, quam multas. Sæpe occasiones quærendo, invenimus casum, aliquando bono nostro omittimus.

II. VAN. *Sed timeo, ne fugiant mihi tam bonæ occasions rerum.*

VER. Cogita bene prius, ne tales capias, a quibus fugere non poteris, cum volueris. Securiores sunt illi, qui faciunt sibi occasionem, quam quos sibi faciat occasio. Cave, ne credens occasionem esse tuam, incidas in alienam. Occasiones scito esse tanquam lapides, qui colliguntur aliquando, ut struant, aliquando ut obru-

50 *De non omittens occas. rer.*

obruant. Aliæ occasionses veniunt, aliæ porriguntur. Quas fortuna offert, dubiæ sunt; quas homines, suspectæ. Multæ falsæ sunt, aliæ cognoscuntur auribus, aliæ oculis, aliæ manibus. Quæ tanguntur auribus, & ex fama nascuntur, raro veræ; quæ oculis fucatae; quæ manibus, palpabiles; Harum omnium optarem te esse nec Midam nec Argum, sed Briareum. Sæpe enim pro conjuncturis conjecturas ponderamus, & multoties fines rerum, imperfecti Divinatores, non aspiciendo, sed somniando attingimus.

III. VAN. *Sed venit mihi evidens conjectura recuperandæ terræ, cum Vicinus meus est imparatus, & bello occupatus.*

VER. Tantundem illi erit desperatio, tecum, an cum aliis dimicare. Sæpe meliorem fortunam nimia calamitas dedit. Tu illum
qua-

quasi depresso cernis, & non consideras esse melius exercitatum. Si in terram ejus desolatam ingressus fueris, alimenta tecum feres quod grave est. Si in abundantem: hosti ejus panem eripes, quod zelosum; nec adhuc primum hostem experieris, & facies tibi secundum. Si solus bellum cum illo incipies inconsultis aliis ejus hostibus, eris suspectus, & invisus. Si vero cum sociis; eris non tui juris bellator, teneberisque in tuo jugo alienam fortunam expectare; si tardos socios habebis, perdes conjuncturas, quas quæris. Si tu tardus, non habebis socios, sed accusatores. Si non expectabis, offendes. Si præstolaberis, omittes. Revolve præterea & rerum vicissitudines, & temporum, quantis res diuturnæ mutationibus obnoxiae. Dum tuam occasionem consideras, pondera & illam, quam ad-

52 *De non omittendis occas. rer.*

adversarius tuus habere potest.
Occasiones rapere nostrum est,
retinere non nostrum. Quæ mo-
ra valescunt, mora evanescunt.
Occasio ob casum dicta est, &
qui occasioni se committit, com-
mittit se casui. Occasio ut ven-
tus; ventus est occasio navigandi,
sed sœpe deserit alto mari, & qui
plenis velis inchoavit, non semel
fallaci stetit in anchora. Tu ve-
ro remis naviga, occasionem ti-
bi dent vires tuæ, non alienæ. Et
sic fortunam non captabis, sed
parabis.

C O N S U L T A T I O
U N D E C I M A.

De tempore indicendorum Comi-
tiorum Regni.

VANITAS. *Delibero, quod*
tempus indicere debeam op-
portunum inchoandis Comi-
tiis Ordinum Regni hujus.

VERITAS. Delibera prius, quas materias proponere debeas; ex rerum enim necessitate, temporum opportunitas colligitur; ut tempus bene impendas, prius finem meditare. Nemo felicius inchoavit consilium, quam qui mature prospexit finem: prius cogita quid, & postea, quando; res enim temporibus, & tempora aptantur rebus.

II. VAN. Crederem quam tempestive incipere, ne partes discordantes habeant tempus recollectionis.

VER. Optimum Consilium, si vis decipere, non incipere. Ego autem putarem quam longissimum dare tempus suspectis animis; ut prius ante Consilium bene agnoscas, quid acturi sint, quam in Consilio probes. Magnum tempus est, tanquam magnum speculum, quod quanto majus est, tanto

54 *De tempore indicendorum*

to plura in eo discernentur. Nulla mora est in eo Consilio, quod probari debet peractum. Nenini profuit accelerasse, qui prius rem non maturavit Judicio. Imperata differ, ut perficiantur, parata accelera, ne destruantur. Sæpe modos, quos ratio non potuit, tempus docuit: & multi qui rationibus non cesserunt, temporibus victi sunt.

III. VAN. Cogito, quod tempus erit melius & importanter ex quatuor temporibus anni.

VER. Cogitas quadraturam circuli, rem utilissimam, si scias quo fine. Quod si circulum anni sic in animo tuo diviseris, ut quadrant per gradus ad centrum propositi tui, bene prævisa Comitia, tunc quacunque parte anni inhoaveris, quælibet tibi auspicata erit.

IV.

IV. VAN. Sed vellem concludere Comitia hyeme, ut tempus rei bellicae primo Vere non impediatur Consiliis.

VER. Hoc velle potes at promittere nescio si potes. Si enim abbreviabis Consilia & prolongabis executiones, non impedies rem consulendo, sed nihil agendo: obseruntque tuis temporibus facta, non tuis factis tempora; ostendet Ver, quam inefficaciter consulueris hyeme. Si vero Consilium tuum erit adæquatum necessitatibus belli & media sufficientia stabiliveris, nulla statio temporis obstabit progressibus tuis. Si etiam tempestive Consilium feceris, & non adæquaveris modos necessitatis tuæ, ut bello sufficias, tempestive etiam perdes. Melius tamen est (si præpostere consulere times) ut tua calamitas imputetur tradissimo omnium Consilio, quam tuæ festina-

na-

56 *De Tempore indicendorum. &c.*

natiſimæ temeritatis. Satius eſt ut
ſero vincas, quam cito perdas.
Quid refert? ſi dum laffus redibit
hostis, tu recens incipias bellare.
Malam fortunam primo vere ef-
fugies, bonam inſequeris Autum-
no; erisque commutator tempo-
rum, non perditor.

V. VAN. Ergo tarde incipiam.

VER. Nunquam tardum, quod
utile; nunquam ſerum, quod fe-
cūrum; ſemper tempeſtivum, quod
firnum. Priuquam de tempore
concludas, delibera de re. Si res
bene provideris, providebis bene
& tempora.

CONSULTATIO
DUODECIMA.

De Congreſibus Particularibus Pro-
vinciarum, vulgo Comitiolis affi-
gnandis, & ordine illorum.

VAN.

VANITAS. *Indicam prius Comitiola Provinciis & terris.*

VERITAS. Credo, quod indices facilime congressum. Dificilius indicabis media, difficilime induces concordiam; omnes a te unam propositionem accipient, sed omnes non unum animum habebunt. Committes multa prælia inutilium rerum.

II. **VAN.** *Mittam ad illos Oratorem cum Instruccióne ex Cancellaria.*

VER. Vellem scire, venietne pro exponenda Materia, an pro forma? Adventus ejus erit miraculosus, quia cum apud te non fuerit, nec te forsitan cognoverit, a te tamen veniet. Perorabit disertissime, in nulla re minus instructus, quam in sua Instruccióne; & responsum accipiet, quod tibi non portabit.

III. VAN. Proponam tantum
viginti quatuor puncta neces-
saria Regno, ut super illa
consentiant, perspectis illis
quam optime.

VER. Vide viginti quatuor li-
teras alphabeti selectissimas, &
valde necessarias homini; & ta-
men considera, quantas ex illis
dictiones contradictorias Gramma-
tici formaverint, quantam farra-
ginem verborum composuerint,
inter se pugnantium: Quot for-
maverint idiomata Linguistæ; quot
mendacia Poëtæ, quot conjuratio-
nes Demonum Necromantæ, quot
etiam sancta & veneranda effata
Evangelistæ. Ita fiet ex punctis
propositionum tuarum. Pauca qui-
dem propones, sed expones mul-
tis & variis. Produces Materiam
indigestam, ut fiat chaos, ex quo
possis creare, quod volueris. Se-
parabis lucem rerum a tenebris
ver-

verborum: coæquabis contrariorum rationes, ut facias tibi harmoniam universalem. In tanta rerunt verborumque ac materiarum multitudine, contrarietate, & aliquando confusione, opus tibi erit consulere volumen Raymundi Lullii, de arte combinatoria. Quia etiam res confusas & indigestas si scias intelligere, combinare, & ad emolumentum publicum convertere, pulcherrimum opus elaborabis. Sicut illi Mosaici compositores iconum, qui ex frustulis diversissimis pulcherrimum opus conglutinant. Eruntque illæ omnes insimul materiae ad felicendum tibi difficilimæ, sicut illa semina innumerabili varietate secum mixta, quæ Venus Psychæ ad segregandum seponendumque dedit. Ibi videbis semina discordiarum, semina suspicionum, semina libertatis, semina belli, semina pacis. Quæ

60 *De Congressibus particular.*

omnia proderunt tibi, si singula
miseris a parte. Propositio tua
erit sicut tela Penelopes, quam
tanto conatu pulcherrime contex-
tuisti de die; distexetur de nocte.
Et tamen retexendum tibi est o-
pus, si bonus artifex esse velis;
etiam si unum filum negotii tui re-
manserit: tu ad filum tuum reduc
omnia, nec confundaris confusio-
nibus multorum. Prius enim opus
est ut pateant obstacula, quam a-
moveantur. Prius investigatur o-
mne arduum, quam superatur.
Nihilque vicit unquam prudentia,
quod prius patientia non cognovit.
IV. V A N. *Intelligam quid facto
opus sit, ex articulis instru-
ctionis illorum.*

V E R. Ego autem puto, quod
melius facies, si illa tantum, quæ
optas, ostendes te intelligere;
quæ autem metuis, finges te non
intelligere. Ex articulis illorum
com-

componetur ossatura Comitiorum tuorum. Perfectum Anatomistam te esse, necesse est, ne corpus Consilii producas monstrosum, neve prodeat cubitus ante digitos, vel excedant thoracem costæ.

V. V A N. *Hoc solum mihi bonam spem facit, quod expedient ad Comitia Nuncios, Viros dexterimos, quorum dexteritati instructiones committent.*

V E R. Dexteritas a dextera dicta est, quod si illorum dexteritate bene dexterisare volueris, move dexteram tuam: cum dextera enim tua, movebitur dexteritas illorum.

CONSULTATIO

DECIMA TERTIA.

De Comitiis Ordinum Generalibus.

I.

V A N I T A S. *Cras, Deo dante, inchoabuntur Comitia.*

C 2

V E R.

62 *De Comitiis Ordinum Gener.*

V E R I T A S. Cras etiam statim cogitandum tibi erit , quomodo terminabuntur. Optime inchoabis, si illa a fine incipies: nullæ res sunt bene inceptæ in opere , quæ prius non sunt finitæ in mente. Cras quidem bene inchoabuntur , Deo dante , sed bene non finiennatur , nisi te dante.

II. V A N. *Nuntii Terrestres ex Provinciis jam convenerunt in Cameram.*

V E R. Gratulor ! erunt cœlestes: si concordes.

III. V A N. *Omnes prius audierunt Missam votivam de Spiritu Sancto.*

V E R. Et tamen hucusque non videntur quidquam accepisse de septem donis , præter diversitatem linguarum.

IV. V A N. *Credo , quod incipient a cognitione legitimitatis*

De Comitiis Ordinum General. 63

*tis Nuntiorum, quod vulgo
rugæ vocant.*

V E R. Rugæ ridere solent, ca-
vendum est, ne fiant nugæ. Satiis
vocandi sunt ad activitatem, quam ar-
cendi, ne fortius cogantur de se
consulere, quam de Republica.
Multi, qui Consiliorum non fuere
socii, hostes facti sunt.

V. V A N. *Deinde faciam proposi-
tionem in Statu punctorum
Consilii, per Cancellarium.*

V E R. Considera? quanto plu-
ra puncta, tanto plura pericula;
Quanto plures remoræ, tanto plu-
res prætextus suspicandi & diffiden-
di. Utilius equidem crederem, si
illi tibi proponant, quid velint,
quam si tu illis proponas, quod
nolint; an ignoras Rerumpublica-
rum genium esse, in malum suum
sponte ire, in bonum suum ægre-
duci. Fallenda est propriæ volun-
tatis opinio, imo tegenda, quia

64 *De Comitiis Ordinum General.*

Rectorum causæ prius cernuntur suspectæ, quam justæ: diu rogandi Cives sunt, ut sua bona velint; vel prudenter decipiendi, ut sua mala nolint; aliquando majorem habet partem assensus publici, qui negligenter desiderat. Vide ergo, quantum agendi periculum subeas in proponendo Consilio, in quo & activitas suspecta, & infructuosa desidia.

VI. V A N. *Ad puncta propositionis Regiae, Senatus vota sua dabit.*

V E R. Si concordabunt in unum, magnum erit documentum veritatis; si discordabunt; maximum detrimentum Consilii. Aperient materiam partibus loquendi, & occludent instrumenta bene agendi, docebunt sentiendi varietatem, quod venenum est concordia: defruent concludendi brevitatem, quod vita est negotii. Qui place-

re

re eurabunt, non curabunt prodesse; qui displicere non metuent, studebunt offendere. Vide quantum in utroque navigio hæreat periculum naufragii! varii sentient, varia concludent, varie interpretabuntur. Optimis optimæ deerunt: modestis auditus, Consulentibus secretum, Facundis veritas, Prudentibus fides: unde verendum est, ne summa Votorum sit, facilia implicasse; & ardua non resolvisse.

VII. VAN Sed Senatus persuadet media multum necessaria pro securitate & potentia Reipublicæ.

VER. Multa svasit Marius, plura Fabius, Cato & Brutus, viri consummatissimi, prudetissima & necessaria quæ eventus damnavit. Sæpe immature nimium svademos non svadenda, sæpius præparatissimis Consiliis res paramus alienas. Et ar-

ma, quæ Romani contra Antonium paraverant, contra Rempublicam versa sunt.

VIII. V A N. Quæretur modus, & concludetur de tenendo quam fortissimo exercitu, & punctualiter solvendo.

V E R. Et in hac re tam necessaria Reipublicæ, ambiguus tibi erit, fructus. Quia si auctorabis exereitatem, eris suspectus Civibus; si non eris contemptus hominibus. Deliberandum tibi erit, quem metum habere malis, externum, an Domesticum? Maximum præterea impedimentum rei, ab ipsa Republica, & quasi vix possibile, ut illi punctualiter solve-re teneantur, quos libertas ad nulla teneri patitur; quibus contributio magis videtur tributum, quam stipendum. Unde Romani maturissimo Judicio perpendentes, non posse se ipsos benevole duci

ad

ad debita, distribuerunt Legiones in Provincias debellatas; quas ideo corpori Romanæ Reipublicæ non aggregaverunt, sed subditas esse voluerunt, ut haberent, cui juberent; & distingveretur, a quibus Consilium, & a quibus obedientia haberetur. Ita & tu cum Republica, si non habueritis terras, vobis subditas, quibus imperatis tributa, non poteritis tenere exercitus; quia nec vobis parebitis, nec habebitis, qui vobis pareant. Nemo enim libenter solvit, nisi coactus, & idem quasi est; posse nolle, & non posse velle. Qia multorum libera voluntas promissis raro constat suis. Ita si prius publicos subditos non habueritis, nec arma publica habebitis.

IX. VAN. *Expeditis votis Senatus, Nuntii Provinciarum redibunt ad suam Cameram E-*

questrem, ut ibi forment Constitutiones necessarias Statui Republicae, juxta desideria a Terris sibi per instructiones commissa: eaque deinde deferant ad Senatum, ut nemine contradicente stabiliantur.

VER. Redibunt in Cameram suam Nuncii, non dubito. Sed redeunt etiam aquæ dulces in mare, & fiunt falsæ; redeunt & nebulæ in terram, sed fiunt nimbi & grandines: redit ver cum violis, sed simul florent & spine. Ita multitudo Consilia eundo degenerant in desideria; ex desideriis veniunt cupiditates, redeunt passiones, ex passionibus diffensiones, ex diffensionibus Consiliorum impedimenta, & saepe illi, qui ad Consilium secesserunt facilitandum redierunt ad impedientium.

X. VAN. Sed dixi, qua ibi formabunt Constitutiones valde necessarias Statui.

VER. Multitudo animorum non potest adferre Consilia, nisi multa, nisi varia; saepius secum pugnantia, quam cohærentia, Frequentius a multis adfertur, quod placet, quam quod decet; quod putatur, quam quod prodest. Quod placuit Ciceroni, displicuit Catilinæ; displicuit Cæsari, quod placuit Bruto. In hac discordantia voluntatum, o quantæ Consiliorum procellæ! quot instructiones Nuntiorum, tot destructiones negotiorum, tot jacturæ temporum, tot incertitudinis eventus. Ita enim dubia est bonarum rerum spes, multorum voluntati conredita, ut possibilis sit multas res malas emendari ab uno, quam unam rem bonam perfici a multis. Quod si Constitutiones Regni formare vellint, prius oportet illas sibi constare, quam aliis constituere. Quid enim proderit gravidum Legibus

volumen implevisse, si illa, quæ loquentur formulæ, mentientur clausulæ; & quidquid constituent codices, profitent appendices. Vide ergo quam sit in hoc vanaspes consulentium, qualis combinantium discrepantia, quanta periculorum vicinitas! sed & in his, quæ tu dicis tam necessaria fore statui, pauca virtutibus, plura opinionibus, plurima casibus, subiecta sunt. Rem optimam, quam, difficillime perficit Consiliarius, facillime inficit adversarius. Credisne in prolixitate Legum, utilitatem vel securitatem Reipublicæ inesse? vastissima Regna longissimum sibi funem ex Legibus suis neectunt, quo fortius strangulentur. Sed tu, si vis longissima dia possidere, brevissima cito scribe. Citissime enim statui effugere oportet sermonum suorum innodamenta. Nam in magnis ille plus egit, qui locutus

tus est minus: s^epe etiam Constitutiones, quas Prudentissimi virorum in Orbe terrarum circum-spectissime conscripserunt, & quæ visa sunt summe necessaria, in per-niciem Rerum publicarum versa sunt. Revoca Græcorum Statuta, Legesque Romanorum. Horum imperia, in sua jurium pulchritu-dine involuta solennissime sepulta sunt. Cautissimi Trojani incautissime corruerunt? sapientissime perierunt prudentissimi Athenienses; improvise defecerunt providissimi Spartani; Thebani rationibus me-diisque suis instructissimi, instruc-tissime destructi sunt. O felix rationis simplicitas! sola vera neces-sitatis & utilitatis ministra! nulli-turpius desierunt, quam qui pul-cherrima locuti sunt. Non hoc cogitationis de Republica præci-puum opus est, multifariis inge-niorum ambagibus perdere tem-

pora rebus, & eripere res temporibus, sed ea, quæ sunt Republicæ necessaria, cito velle; quæ bona cicius cognoscere, & quæ optima, citissime exequi. Svadendi vero pariter bonis malisque ars est communis; quia & illi, qui fallere volunt, persvasionibus utuntur: nec ulla res est Consilio magis noxia ac deterior, quam importuna negotiis svadentium & disvadentium fluctuatio; ægre enim ducuntur rationibus, qui virtute non moventur; qui autem moventur virtute non egent persvasionibus quia sequuntur judicium, & considerant necessitatem.

XI. VAN. *Ecce jam venit Equestris Ordo in Superiorem Cameram, ut una cum Senatu concludat Comitia, quinque dierum spatio.*

VER. O admirabile opus Consilii! Deus Omnipotens spatio sex die-

dierum obediente natura perfecit Orbem terrarum , illi autem natura repugnante , quinque tantum diebus omnia se perfecturos existimant , quæ quadraginta diebus imperfectissime conceperunt . Noë etiam quadraginta diebus expectavit , antequam arcam ingrederetur , & postea navigavit centum quinquaginta diebus . Ex hoc vero tam vasto verborum opinionumque diluvio , quomodo possibile est , tam brevi tempore in portu videri ? aperire tibi opus est multa , antequam concludas pauca . Quomodo in quinque diebus persuaderi poterit concordia his , qui quadraginta asveverunt discordiæ ?

XII. VAN. Sed prolongabitur tempus Comitiorum , consen-

tientibus omnibus Ordinibus .

VER. Quanto longius tempus disputationibus datur , tanto magis spatium assignatur diffensionibus;

bus; tanto pejor est hujus morbi curatio, quanto longior dilatio; nisi forte medicorum ingenium in tractanda Reipublicæ salute sequi velis, qui magis curant morbum, quam ægrotum; quibus est utilius diu curare, quam semel sanare; quorum studium est, multas crises advertere, non avertire unam mortem.

XIII. VAN. *Quomodo ergo finientur Comitia.*

VER. Vel erit bene, vel male, vel nihil; si bene, nondum bene, antequam cognoveris: si melius, adhuc non desit: finis boni imperfectus sæpe principium est mali, si male, nondum male; si minus malum elegisti, ut effugeres majus: datur tibi experimentum prudentiæ tuæ, utrum scias malum convertere in bonum. Res nondum periiit, si animus integer. Quod ab animis destructum, animis

animis reparandum est. Pauci futura cogitant, qui præterita dolent. Si vero nihil factum est; dubium tibi erit, quod accuses, vel laudes; malumne finem evasisti, an meliorem distulisti? Quod non factum est, cura, ut fiat: quod impossibile fuit, jam præteritum est: gaudet habes tempus cogitandi, ut possilius virtute efficias futurum; quod autem multorum culpa factum est, Fatum voca.

C O N S U L T A T I O
DECIMA QUARTA.**De Consilio Post-Comitali.****I.****VANITAS.** *Post Comitia, convocabo Senatum ad Consilium.***VERITAS.** An non satis al-
huc verborum expendisti, ut
nova

nova conqueriras, quæ tam diu finiri posse exoptabas, Adhucne non plene turbines ventosque expertus es navigando, ut illis & in portu jam semilacera vela committere velis? Pandoræ tibi pyxidem aperiri cupis, ut illa evolent quæ bene conclusisti; si vero male; quid tibi proderit utilissimo silentio sopita mala inutilissimis sermonibus excitare? vis fortasse, res consensu stabilitas novis consulentiū interpretationibus labe-factari. Qui semel Consilium petit; veritatem quærit, qui secundo; movet dubietatem.

II. VAN. *Formabo Consilium Post-Comitiale.*

VER. Ita formes posterius Consilium, ut anterius non deformes: facilius est res nondum actas formare, quam transactas reformare. Vellem te in hoc desiderio Jani facies habere, ut tangendo præteri-

terita , respicias futura. Bene con-
clusa aut plus non attingenda sunt,
aut melioranda. Imperfecti Picto-
res s̄epius meliorando perfectas
icones destruunt.

III. VAN. *Consilium Post-Co-
mitiale necessarium est ad exe-
quenda illa , quæ in Comitiis
stabilita sunt : si vero abrupta
sint , ad remedia quærenda.*

VER. Illis , quæ autoritate pu-
blica stabilita sunt , utilior est obe-
dientia , quam Consilium : mede-
ri autem illis , quæ jam facta sunt ,
difficilius est , quam malefactis .
Mortuis enim rebus magis conve-
nit sepultura , quam medicina . Co-
gitandum tibi potius est , quomo-
do novo & salubriori rerum par-
tu Rempublicam consoleris . Si
exequendum est , jam disputandum
non est , simplicissimus obediendi
modus est omnibus ; quanto vero
eruditior , tanto impeditior : pro-
ficio-

sicuorum Consiliorum nulla major destruetrix est, quam nimia sapientia. Bis idem facere, non est idem: semper aliquid repetitis demitur, vel adjicitur in rebus. Res semel fanticiae ita redeunt ad Consilium, sicut illi, qui convaluerunt, ad Medicum: ut superfluis pharmacis destruatur valetudo. Legi derogat, qui de fanticis interrogat. Pierunque optima rerum interrogando abrogamus; utilius ergo est, post Comitia in contravenientes Judicium, quam in res fanticas Consilium.

CONSULTATIO DECIMA QUINTA.

De Commissionibus instituendis.
I.

VANITAS. *Expediam Commissionem valde necessariam.*

VER.

De Commissionibus instituend. 79

VERITAS, Credo, quod expedites valde necessariam Commissionem; sed Commissariis, non tibi. Probabilius autem est, illam tibi non esse necessariam, quia res, quas ipse agnoscere posses aliis cognoscendas committis.

II. VAN. *Sed ob distantiam loci, ipse adesse non possum.*

VER. Breve iter est in rebus propriis, longum in alienis. Nihil distare potest, quod constare debet, Longum iter ad astra, imo impossibile, abbreviavit, continuum sciendi studium; ut remota viderentur vicina. Si curabis, non distabis; multa nobis approximat exploratrix diligentia, plura occultat negligentia velatrix, & vicina facit esse remota.

III. VAN. *Instituam Commissionem.*

VER. Dic potius amissionem, & cogita, quot Reges & Principes

80 *De Comissionibus instituendis.*

pes utilissimas terras committendo
amiserunt.

IV. VAN. *Assignabo commissa-
rios.*

VER. Facies potius Omissarios;
O quam anceps instrumentum est,
alienis cognoscere propria oculis,
sua aliorum palpare manibus: ita
facies tibi continuum fidei exer-
citium , quia necessario credes ,
quæ tibi dicentur ; & continuo
sperabis , quæ nescies ; non co-
gnosces res tuas , nisi postquam
amiseris ; clarius tibi patebit in
alienis manibus , quid habueris ,
quam in tuis , quid habeas.

V. VAN. *Per hanc commisso-
nem dilatabo confinia , & re-
cuperabo a vicino usurpata.*

VER. Hæc commissio nihil ti-
bi proderit , nisi ut solemnius
perdas. Nemo res suas legitime
amisit , nisi qui illas prius dispu-
tationi commisit. Nulla dubitatio-
ne

ne opus est illi, qui de jure suo non dubitat.

VI. VAN. Sed ego mittam *Commissarios Viros insignes.*

VER. Juste sane, ut præcipua perdas, præcipuos tibi viros ad hoc mittere oportet.

CONSULTATIO DECIMA SEXTA.

De Contributionibus exigendis.

I.

VANITAS. *Difficile mihi est excogitare modum contributionum, ut sufficiant necessitatibus, & non aggravent populum.*

VER. Non difficile tibi esset excogitare proventus, si cogitates populum; quia cogitando cognosceres, & cognoscendo scires, quid valerent, & quid possent. Hic collige, quantum noceat non didicis-

didicisse vires populi , & nesci-
visse , quantum , vel quale , quid
habeas.

II. VAN. *Inveniam tamen mo-
dum contribuendi.*

VER. Prius quærendum est , quo-
modo quæras , quam quomodo in-
venias : Tu autem prius inveni-
sti necessitatem , quam modum ;
melius est quærere modos , ante-
quam opus sit , quam non posse
habere , cum opus fuerit . Ut sci-
as genera Contributionum , scire
te oportet prius genera populi ,
quale prævaleat lucro , quale nu-
mero ? Observa quid tibi profint
Urbani , quid Mercatores , quid
agrestes , quid extranei , quid do-
mestici , quid Merces ab extra ,
quid ab intus provenientes ; quid
invectores , quid evectores , quid
ab hominibus exigas , quid a re-
bus ; quid ab otiosis , quid a la-
boriosis : quos liberare utilius ti-
bi-

bi est, quam aggravare: quorum luxus tibi sit proficuus, quorum utiles propinaciones, & quot guttæ, tot nummi. Hæc prius videnta tibi erant, & ratione prævidenda, quam necessitas præveniret cogitationes tuas: quia exactius providetur & tutius, dum exigit providentia, quam cum necessitas.

III. VAN. *Ex multis agris subditis habebo copiosas contributiones.*

VER. Absit, ut ex agris quidquam prætendas, & ex visceribus terræ matris communis lucra quæras, unde vitam & alimenta accipimus; vel cultores ejus, & laboratores pro nobis, veros homines, ullo modo enerves. Iniquum est, ut inde exsugamus sanguinem, unde sumpsimus. Hoc corpus nostrum est. Exprimendi culices, pulices & araneæ, qui de corpore

re nostro lucra querunt, qui de sagvine nostro vivunt. Qui luxui solvunt, solvant & Reipublicæ, quos liquores reficiunt, reficiant & Rempuhlicam, quibus leve est perdere privata, prodesse publico non sit grave. Horum major est numerus, quam laborantium; ab his etiam plura colliges; cum perdentibus acquires, sine injuria tibi proderis, sine gravamine luxuraberis.

IV. VAN. *A Mercatoribus
habebo multa telonia.*

VER. Primo cures, ut multis habeas Mercatores, deinde multa telonia, sed non nimia; quia per telonia potes tibi perdere Mercatores, per Mercatores nunquam perdes telonia, Stude ut multis habeas, qui tibi dent; & habebis, quod tibi detur; multorum pauca, sunt unius multa. Emptor non sentit onus, quod venditor

ditor imponit. Libentius solvit luxuriæ, quam Reipublicæ. Superfluum ergo solvet Venditor, quod emptor projecerit, sic multum colliges ex eo, quod Venditori nihil est, Emptori insensibile; diminue potius telonia, ut augeras Mercatores, per quos Multiplices merces, per merces pretia, per pretia utilitates, quia opulentior est luxuria necessitate.

V. VAN. *Instituam quoque aliqua Monopolia, ex quibus magnam habeo utilitatem.*

VER. Hoc egestati publicæ deest, hoc solitudini; ut unus multos dispergat. Ut multis auferas modos vivendi, uni tribuas potestatem desolandi. Ita male vendes publicam utilitatem alienæ avaritiae, & tuam non augebis, Amittes populum, vastabis Civitates, tolles commercia, auferes spem lucri omnibus quæ esca est populi,

puli, stabilimentum Urbium, fundamentum contributionum. Omnes incertos habebis Incolas, & semper quasi migraturos. Nemo enim major Adversarius est populi, quam qui solus esse vult. Sustenta potius quam plurimos, ut quam plurimi contribuant; & magis proficia tibi erit multorum æmulatio, quam unius cupiditas.

C O N S U L T A T I O.

DECIMA SEPTIMA.

De Ærario, & ejus Ordinatione.

I.

VA
NITAS. *Thesaurum mihi formabo quam exactissime.*

VER. Ærarium, quod avaritia claudet, referabit necessitas.

II. VAN. *Habebo cassam duplum, unam præ expensis, alteram pro deposito.*

VER.

VER. Facile est dividere casas, sed difficile mensurare necessitates. Quod colligit providentia, evacuat necessitas. Si ante tempus expenderis, quod collegisti, non unam cassam habebis, sed nullam; si post tempus, tantundem tibi est, ex una cassa male frui, quam ex pluribus.

III. VAN. *Sed distribuam per tempora expensas.*

VER. Ergo facies tibi potius horarium, quam ærarium. Quid referet, qua hora egeas? Esuri- enti quælibet hora meridies est. Considera prius quantum, & quoties necessitas coget ad erogandum voluntatem, quoties voluntas producet vel frænabit necessitatem; si habebis in una hora multa tempora ad erogandum, at plura vel pauiora ad colligendum, vel nulla ad retinendum, nil tibi prode- rit scire distinctiones cassarum in

ærario, si una rapiet hora, quod totus congregavit annus; nulli mendaciores sunt socii, quam ærarium cum kalendario: si vero vis dividere expensarum rationem per arcas, plus turbaberis, si videris plura documenta furtorum ex quilibet arca, quam ex una. Quid refert? an conjunctim, vel separatim decipiari.

IV. VAN. *Sed inveniam modum, quomodo defraudari non possim.*

VER. Facilius invenias exquisitos modos, quam custodes probos. Scio, quod non deerunt tibi, qui norint optime perfectissimis numeris funerare pecuniam.

V. VAN. *Utar omni circumspectione & cautela, ne fraudetur ærarium.*

VER. Hoc nullatenus fieri potest, difficillimam Provinciam assumi-

& ejus ordinatione. 89

sumpsisti, habet, qui horreum mures, qui ærarium fures.

VI. VAN. Sed omnia mihi Regestis verificabuntur.

VER. Quoties apparebunt Abaci, toties disparebunt numini; quot regesta perspicies, tot perleges defuncte pecuniae Epitaphia. Et sicut vita humana, unum introitum habet, multos exitus; ita & pecunia tua multos morbos habebit, plures Medicos, a quibus pereat.

CONSULTATIO DECIMA OCTAVA.

De Causis & præparamentis ad Bellum.

I.

VANITAS. Multae Causæ me invitant ad suscipiendum bellum.

D 4

VER.

VER. Si potens es, facile causas invenies; si debilis, difficile evitabis; facilius est invenire bellum quam gerere. Bellorum initia semper principio læta, progressu dura, eventu dubia. Sed vellem scire causas bellandi, quas habes? Multis adfuere causæ bellandi, sed media paucis.

II. VAN. *Prima causa mihi est, quod vellem dilatare confinia.*

VER. Confinia, quo latiora sunt, hoc majori egent Exercitu, hoc crebrioribus præsidiis, hoc majori alimento, hoc frequentioribus impensis. Vide, si terram tuam, quam possides, sufficienter providisti, antequam appetas alienam; ne ex contiguitate inopie dilates potius confinia penuriae, quam Provinciæ.

III. VAN. *Habeo & aliam causam incipiendi belli, nimirum,*

rum : ut Provinciam , quae Majoribus meis ablata est, recuperem.

VER. Nolle, ut ex hac tua causa , alia nascatur magis metuenda, nimirum : ne potius perdas, quod Majores tui non amiserunt. Diu deliberandum tibi est , an pro eo tibi conducat bellum suspicere, quod majores tui alteri cesserunt, ne bellum haberent. Felicius quandoque præstat tenere proficuam pacem, quam litigiosam Provinciam. Considerandum quoque tibi est , ne propter dubiam recuperationem partis, a Majoribus tuis non sine notabili causa prudenter absceſſe totum Regni tui corpus inprudenter bello inficias unde verendum etiam sit , ne, quod ab ortu Vicino tuo rapuisti , alter tibi ab occasu, eripiat. Plura enim in Orbe terrarum immutavit occasio, quam vis; & non suspectos ex sociis hostes fecit. Revoca Græcos, ingeniosis-

simos calamitatum suarum inventores, quantis periculis casibusque ob ingenium & præcipitantiam belandi, varie a fortuna jaetati sunt; Unde Tragoedus exclamare coactus est: Quicunque Regno fudit, nec leves metuit Deos, animumque rebus credulum lætis dedit; me videat, & te Troja. Romana quoque Respublica, propter nimum bellandi ingenium, Cæsares adepta est, Libertatemque suam neglexit; maluitque famam habere ab extra, quam securitatem suam ab intra. Quid dices de occasionibus datis alienæ potentiaz, de excitamentis dormientium, de zelotypia, ambitu & diffensionibus cum Vicinis, qui pessimi Parentes sunt eversionis Regnorum.

IV. V A N. *Et haec causa non minus me inducit ad bellum, quod habeam numerosum Exercitum, quem vellem in aliena*

ena terra collocare; ne illum
alam otiosum.

VER. Magis timendum est, ne
quærendo locum, ubi vivat exer-
citus tuus, invenias potius ubi pe-
reat; considera, vel loci angustias,
vel sterilem vastitatem. Utrum-
que anceps belli sustentamentum.
Præterea consveta illa impedimen-
ta magnorum conatum: Annonani
difficillem, populum infidum. Mi-
lites vastatores, Anni injurias, ex-
cubantium incommoda, ægritudi-
num motiva, morborum pericula,
aeris varietatem, equorum stra-
gem, temporum difficultatem, in-
milite lassitudinem & externi soli
tedium, incuriam terræ alienæ, &
desiderium suæ. Quæ omnia feli-
cem licet turbavere Macedonem,
& super quæ cogitans magnus o-
lim sedid Æneas, secumque vo-
lutans: deflevit eventus Belli va-
rios.

V. V A N. *Bellum gerere debo,
ne otio & ignavia peream.*

VER. Occasio dat felicia bella, ostendit viam agendi in magnis. Nemo felicia bella gessit, cui non dedit occasio consilium. Si igitur in recta occasione constituis bellandi desiderium, magna tibi belli gerendi ratio est. Occasiones autem sunt, quæ bellatorem ad bellandum compellunt. Justitia & necessitas causæ, non pruriens famæ, sæpius fallacis. Non minus enim periculum est ex magna fama, quam ex mala: succensus quoque moveat populi oppressi naturaliter ad te pertinentis, & subsidia tua potenteris. Ille enim felix Bellator Provinciæ prætentæ fines ingreditur, quem populus optat, non metuit. Si ergo bellum in vicinia gerere intendis, prius illi gratum, quam formem te exhibe. Nullus Bellatorum

rum certius Terram adeptus est , quam ille , cui inclinatio populi , ad vincendum viam fecit. Quod si terram , quam ingrederis , tuam esse vis : defende , excole , conserva , fortifica ut tuam ; non ut alienam. Ut illam prius cordibus capias , quam manibus. Si itaque ad bellum gerendum te constringit occasio justitiæ , & desiderium populi justa petentis , age feliciter. Sed si vanitas & fallacis auræ ambitionisque studium te impellit , deliberatorem te magis videre optarem , quam Bellatorrem. Non minus quoque refert , ut bellum tuum juste eligas , quam ut bene pares : unde cogites , & quo robore vincas , & quibus præparamentis sustineas.

VI. VAN. *Omnia præparamenta ad gerendum bellum jam habeo parata.*

V E R.

VER. Quæ intempestive præparasti, non proficiens in tempore: quæ vero tempestive nimis, tempus consumet, & occasio te alibi conduceat, ubi præparamenta non providisti. Multi magnos belli adparatus sollicitissimis studiis hosti paraverunt, non sibi.

VII. VAN. *Habeo pulcherri-
mum peditatum & numerosum.*

VER. Habebis numerosiorem ex equitatu tuo, postquam ex incommodo belli equos perdiderint.

VIII. VAN. *Sed habeo & equi-
tatum gravioris & levioris
militiæ.*

VER. Utrumque infructuosum contra impetum hostilem; si remotum unum ab alio tibi sit. Graves enim non prosequentur hostem, leves non sustinebunt, & graviores deferentur a levioribus, & leviores non assistent gravioribus, hi nimium prævenient, illi non

satis prosequentur. Pessimum utriusque roboris detrimeatum.

IX. V A N. *Habeo & Officiales Generalesque peritissimos belli Duces.*

VER. Bellum nemo unquam satis didicit. Habes ex illis & imperitissimos fortunæ tuæ aleatores, quandoque liberalissimos præliorum amissiores, & quandoque parcissimos armorum conservatores: utrosque tamen prudentissimos & innocentissimos bonorum malorumque belli autores, & quorum fors cum Theologis convenit: quia cum bene & prudenter agant, nunquam tamen scire possunt, an odio vel amore fortunæ digni sint. Non semper enim audaces fortuna juvat, sæpe incitat animum, quo celerius perdat. Quod bellicosus ille Romanorum Imperator fassus est: nunquam se tantum acquisiturum victoria, quantum auferre ca-

la-

lamitas posset. Cujus rei documentum dedit sapiens fortunatusque bellator, ac deinceps infastus ille Annibal, Pompejusque infelix, & miser Darius.

X. VAN. *Sed nihil incipiam sine Consilio bellico.*

VER. Nullæ res incertius inter se conveniunt, quam consilium & casus. Quomodo ergo vis bellum, quod continuis casibus agitatur, quod momentis constat, certitudine Consilii cum incertitudine occasionum temporumque combinare.

XI. VAN. *Occasiones mihi viam monstrabunt.*

VER. Scio equidem, quod viam tibi monstrabunt, sed consilia tua non expectabunt. Unde maturitate Consilii juvari credes, inde tibi velocior Consilii aufugiet occasio. Unum tibi tamen ex his duobus bonum vel malum evenire

re spera; ut aut terram tuam sapientissime cum Consilio perdas, aut alienam temere sine Consilio acquiras.

XII. VAN. Quomodo ergo si ne Consilio bellum geram.

VER. Hæc tantum obserua & bellum gere: semper hostem prævenias, quod credis illum a te metuere, hoc illi fac. Terram nunquam ingredere, ubi non est panis, & post prælium nunquam finas hostem requiescere.

CONSULTATIO.

DECIMA NONA.

De formando Exercitu.

I.

VANITAS. Nihil restat ad incipiendum bellum, nisi ut formem mihi Exercitum quam ordi-

100 *De Formando Exercitu*

*ordinatissimum ex diversis ge-
neribus militiæ.*

VERITAS. Facile est ordina-
re Exercitum, sed conservare dif-
ficile: quot genera habebis mili-
tiæ, tot differentias periculorum,
tot varietates retardamentorum,
tot obstaculorum casus, tot neces-
sitatum impedimenta. Tarditatem
peditum, ægre feret equitatus,
præcocitatem equitum, non affe-
quetur peditatus: quod unus cu-
piet, alter odio habebit: quot ge-
nera militiæ, tot naturarum & ge-
niorum diversitates.

II. VAN. Sed pro diversa ne-
cessitate ac eventu bellandi,
*diversum quoque genus mi-
litiae opponendum mihi erit
hostibus.*

VE.R. Vellem satius, ut duas
tantum militias in mente haberes,
Equitem & Peditem: & non ali-
am necessitatem bellandi, quam u-
nius

De Formando Exercitu. 101

nius Exercitus victoriam. Quid refert? an uno genere vincas, vel pluribus perdas. Multitudo formarum militiae, separat magis bellorum Consilia, quam conjungit. Et s^epe fit, ut cogitando, qua via quodlibet militiae genus melius pugnet, totus Exercitus negligatur. Accedit præterea, ut quodlibet genus supra aliud præcellere volens, socios alterius generis magis contemnat & conturbet, quam juvet, ut qui unum in bello censi^r deberent, pro diversis censentur, & unitatem victoriae distrahant, disformitate agendi. Qui e contra unum robur cogitarent; si unum genus se esse sentirent.

III. VAN. *Hastatorum cohortes habebo quadraginta.*

V E R. Egregium belli robur, si hastarum necessitas fuerit; si non, magnum agilitatis impedimentum. Quodsi unum prælium conficiendum

dum tibi sit, necessario hastas semel confringes; si plura: hastas non habebis, si nullum, magnum impedimentum frustra tecum ves-
hes.

IV. VAN. *Habeo & plures hastas pro secunda vice.*

VER. O grave lignorum onus!
Sine certitudine necessitatis.

V. VAN. *Formabo mihi quoque & Legiones Dragano- rum, ut illis utar & tanquam Equitatu, & tanquam Peditatu.*

VER. Habebunt ergo naturam vespertilionis, qui & mus est, & avis, & neutrum, & ex neutro utrumque. Si equos conscenderint non habebis Pedites, nec (si de- scenderint) Equites; magna illis erit distractio cogitationis in prælio; magis metuent perdere equos quam pugnam; & tu volens habe- re in equis Pedites, verendum, ne habeas Equites sine equis.

VI. VAN. *Uno verbo, quotquot genera sunt Militiarum omnia habebo.*

VER. Quo plura genera habebis militiæ, hoc in bello distractior eris. Quid refert, an multos autores cladis, an unum Victoriæ habeas, malim, sicut unum te bellandi finem habere nempē Victoriam; ita duo tantum genera Militiæ, Peditatum & Equitatum.

CONSULTATIO VIGESIMA.

De Fortificationibus Locorum.

I.

VANITAS. *Exstruam Arces & Fortalitia pro defensione Regni.*

VERITAS. *Sicut Magnes trahit ad se ferrum, ita Fortalitia*

tia hostem. Arces & Fortalitia sunt quandoque invitamenta adversæ fortunæ: unde illa prudenter & opportune fabrica, vel lapides relinque.

II. VAN. *Faciam Fortalitia in diversis locis, planis, montosis, aquosis, saxosis.*

VER. Non loca, sed passus hostium considera; non propugnaculorum situm, sed inimicorum transitum. Illa optima Arx est, quam necessitas opportuno plantat in loco; ita tu semper melius facies si quæsiveris non locum Arci, sed Arcem loco.

III. VAN. *Faciam Fortalitium magnum, ut multos milites capiat.*

VER. Desolabis Exercitum, & implebis fortalitium. Majus tibi erit præsidium in Arce, quam Exercitus in Castris. Prius a te ipso obsideberis, quam ab hoste.

Quod

Quod pro Exercitu parabis ali-
menti, Præsidium consumet, Ca-
ve, ne, dum facies ex Arce Ca-
stra, efficias ex Castris Arcem.

IV. VAN. *Faciam etiam &
parva Fortalitia.*

VER. Parva fortalitia distra-
hant Bellatorem, & attrahunt ho-
stem; parum offendunt, & nihil
defendunt: magis cogitandum tibi
erit, quomodo hostem repellas a
parvo fortalitio, quam quomodo
hosti noceas ex magno. Facies
tibi pulcherrimas caveas arte mi-
litari ornatissimas, ad ocludendas
vires tuas sine fructu. Incerta ti-
bi erunt propugnacula inimicorum,
certissima oppugnacula amicorum.
Parvum quoque fortalitium; par-
vos habebit Bellovardos; nulla-
que defensio erit: quia alæ pro-
pugnaculorum vix tormenta capi-
ent, ob angustiam collocanda. Si
vero Bellovardos magnos habue-
rint,

rint, cortinæ penitus nullæ erunt, qui inevitabiles sunt parvarum a-rearum defectus. Obsidio quoque fa-cilior hosti, et defensio difficilior Arci inde provenit. Fossarum deni-que angustia hinc sequitur summe noxia defensori, quam si latiorem habere quæsiveris; circuitus con-trascarpæ tuæ monstrosior major-que proportione Arcis tuæ eveni-
et, nec sufficiet numerus præsi-dii ad implendum situm viæ coo-pertæ circum circa defendendæ; fietque, ut externa defendendo, internum corpus areæ penitus mi-lite evacues; aut sine milite, & defensione externa tua hosti relin-quas. Collige ergo breviter par-vi fortalitii tui maxima incommoda.

V. V A N. *Fortasse eligam si-tum paludosum, ut diffi-cilior sit hosti accessus,*

VER. Si non ab hoste, ob-si-deberis a palude. Non tam diffi-cile

cile ad te hostis accedet, quam
tu ad hostem. Fossa paludosa est
sustentamentum pontis natantis,
per quem hostis usque ad muros
tuos per galeriam perveniat, &
in manibus cuniculos ad ejicien-
dum pulvere vallum adaptet, Ca-
meramque collocet. Sicca vero
Fossa excursionem ex Arce con-
tra hostem non impedit, aream-
que dimicationis in Fossa defenso-
ri non aufert. Tu vero vis ma-
gis clausus esse, quam securus.

VI. VAN. *Eligam ergo locum
in alto monte.*

VER. Fortalitium tuum itaque
aeri dominabitur, non terrae. Lon-
ge conspicies hostem ab Arce,
sub Arce non videbis. Tormen-
ta tua distantiorem hostem male
attingent, vicinum nullatenus. Ho-
stis tuus nullibi erit securior,
quam sub manibus tuis. Globi tor-
mentorum tuorum cadent in ho-

E stem

stem , non jaculabuntur , tantundem tibi erit lapides projicere: si ad radicem montis tui hostis accesserit, commodius cuniculos excavabit , ut Arcem tuam per ignem ejiciat. Necesse erit, ut alia Propugnacula ad radicem montis circum circa extruas ; habebisque superius fortalitium clavum inferiori fortalitio , ut incommoda montis & pericula accessionis hostilis effugias. Considera præterea quantum tibi militum circuitus montis , radicisque ejus defendendæ auferet ex Arce.

VII. VAN. *Ego in plano & aperto loco fabricabo.*

VER. Hæc propositio tua melior mihi videtur cæteris. Hoc enim modo proprius hostem reprimes , & facilius accedes , sed etiam & ab hoste idem tibi eveniet. Verum strenuo Defensori omne fortalitium planum est , & arduum igna-

ignavo; nihil tibi proderit fortalitium in plano habere, si hostis per montes transitum quæsiverit. Prius interrogandus tibi est hostis, quo eat, quam de fortalitio judicare, non tu, sed hostis necessitatis judex erit. Nonne meministi Capuam in plano sitam Annibali Cannas fuisse. Nihil tibi proficiet Arx plana, si obfuerit aspera fortuna; nihil proderit pulchritudo mœniorum, nec speculatores ex tormentorum suggestu oculi, si hostis alio passum converterit, qui si magnum habuerit Exercitum, non metuet fortalitium relinquere a tergo, & ultra progressi: si vero parvum: non acceder Arcem: ita non voluntas Commendatoris, sed ratio Bellatoris constituet valorem Arcis.

VIII. VAN. *Sed non tantum Arcem, vel Citadellam, sed etiam*

110. De fortificandiis Locis.

tiam & totam Civitatem fortificabo..

VER. Tu ergo vis, ut video,
& hosti dominari & Civibus: Arcem non habebis perfectam, & Civitatem suspectam; ex utraque parte metues de Arce. Magis optarem, ut vel Arcem perfectam haberet, vel Civitatem. Qui Arcem Urbi adstruit, eo ipso de ammissione Urbis cogitat. Primus ad perdendum gradus est, de ammissione cogitare, Defestus unius areæ penes alteram major videtur, & distractior est semper duorum corporum, quam unius defensio.

IX. V A N. Adhuc delibero,
figurans regulari an irregulare, exstruendum mihi sit fortalitium.

VER. Credo, quod mœnibus describes regulam, sed non hosti, regularium arearum expugnatio facilius ab hoste percipitur, ad regularia mœnia oppri-

De Fortificandis Locis. **III**

gnanda æqualius hostis regulatur,
& proportionem ab uno propugnaculo, ad cætera æqualiter capit,
sumitque. In irregularibus vero
non item: quia ipsa illa angulo-
rum varietas, & inæqualitas line-
arum, magis confundit hostile ju-
dicum, quam docet; unde diffi-
cillior aggressionis cogitatio est.
Regularitas vero ipsa instruit ho-
stem, nec diversitate confundit.
Facilius & utilius est, figuram si-
tui, quam situm figuræ adaptare.

X. VAN. *Faciam pulcherrima opera externa, ne hostis facilius ad ipsa mœnia accedat.*

VER. Hæc opera cum propo-
sito tuo non convenient. Dicis e-
nim te metuere, ne hostis ad mœ-
nia tua appropinquet, tu autem
non metuis, cum mœnibus tuis ad
hostem appropinquare. Nonne
semper opera externa minora sunt

ipso corpore fortalitii, & facilius capi possunt? quæ si hostis occupet, sero te pænitabit, hosti illa, non tibi strinxisse. Occupatio vero operis externi, est gradus ad expugnationem hosti paratus, & defensori inde amissio, primæ famæ multum præjudiciosa. Cur ergo vires tuas, quas tibi vèl maxime connectere expedit, ab extra rescindere cupis? nisi ut celerius hostilibus copiis animum augeas, & diminuas tuis. Quòd enim opera externa amittes, tot parabis hosti victorias, & inilitem non sine strage continuo fatigabis.

CONSULTATIO VIGESMA PRIMA.

De inchoatione Belli offensivi, &
diversis casibus bellandi. Consi-
liisque Bellicis.

I. VA-

I.

VANITAS. *Quomodo bellum incipiemus.*

VER. Svaderem, ut potius cogitares, quomodo finiemus. Bellator in fine perdit, quia sine non incipit.

II. VAN. *Opus mihi est Consilio, an hoc offensivum bellum, quod ex justis prætensionibus incipio, inchoare debeam per obsidionem fortalitii fortioris, in confiniis existentis Urbis; an prius exercitum hostilem praelio aggrediar?*

VER. Quære prius, & bene explora, utrum hostis tuus paratus existat, vel imparatus; deinde prudenter concludes, quid malis prius habere; Regnumne sine bello, an bellum sine Regno? si imparatus est; cura, ne sit paratus: Reslove velociter, dissipat copias, impedi congressus, occupa Regni viscera, assecura passus, congrega

commeatus, divide inimicum, populum fac amicum, aggredere celeritate, attrahe humanitate, Præfidiis firma, protege, conserva. Ita non rapies Regnum, sed capies, & sine bello possidebis. Si vero paratus est hostis, vel tempori te comites, vel fortunæ. Quod si fortunam sequi malueris, viribusque confides, cum hoste prælium committes; opusque erit, ut prius sis vates, quam victor: si vero tempori te commiseris, a Confiniis incipes, diuturno labore & patientia terras acquires; obsidiones formabis, succursus sustinebis hostiles, obsidens obsideberis inter Arcem & hostem. Tunc eligendum tibi erit, ubi tutius dimicare malis; sub cœlo, an sub Arce. Hoc tamen scito, quod nemo obfidet, ut non etiam obsideatur ab hoste.

III VAN. Occasiones cum tem-

pore mihi suggesterent Consilium.

VER. TU potius suggere con-
filio occasiones, vel si desunt
facito. Magis virile est, fortu-
nam sibi facere; quam expectare.
Acta fortunam faciunt. Qui ex-
spectat, negligit. Qui hostem præ-
venit, dat materiam bellandi, &
constituit agendi occasionem.

IV. VAN. Sed vellem scire, in
quibus hostem præveniam.

VER, Loco & alimento: Pri-
mum est, quod vincimus, aliud,
quo vincimus. Nimirum, terra
& miles. Primum occupandum
est; alterum conservandum; ex
his duobus tota Ars belli dependet.

V. VAN. Ex duobus ergo u-
num faciendum mihi est, aut
acie hostem aggrediar, aut
obsidione Urbem.

VER. Si paucas copias habes,
suaderem neutrum: si magnas,

E 5 utrum-

utrumque illud, ne cum paucis
Copiis inveniaris sub Urbe; hoc
vero ut a succursu Urbis hostem
divertas.

VI. VAN. *Occupabo utrumque li-
tu s fluminis, pontemque extru-
am, ut ex utraque parte com-
municationem belli habeam,*

VER. Quære prius, ex qua
parte fluminis hostis inveniatur.
Nam si ex hac est, ubi & tu,
hosti terram relinques, quam pos-
sedisti; vel terga ostendes transe-
undo flumen, quo facilius in tran-
situ pereas. Et dum de alio lit-
tore cogitabis, primum deseres.
Neceſſe erit, ut iterum cogites,
quomodo redeas, vel bellum di-
vidas, quod conjunctum securius
est, quam separatum; niſi forte
hostem experiri velis an transi-
tum Exercitus tui impedire medi-
tetur? ut ad congressum prælia cum
eo faciliorem viam habeas. Con-
ſide-

Cidera quoque, si hostis a flumine
proprior vel remotior sit: nam
si propior, prius dimicandum ti-
bi cum impediente transitum ho-
ste erit, quam de trasitu, cogitan-
dum. Si vero remotior sit hostis
a flumine, mensura prius iter ho-
stile, quo tempore a te distet,
ne te in transitu fluminis occupa-
tum aggrediatur. Sed consule-
rem potius, ut invadens Regnum
hostile, statim in principio belli
ex utraque parte fluminis, ter-
ram ingrediare, ne difficilius tibi
sit jam parato ad bellum hoste, de
altera parte fluminis contendere;
Quia sic facilis hostem distrahes,
& cogitationes tuas minus divi-
des, cum bellandum tibi erit.
Unde melius tutiusque tibi erit,
ut ante bellum per utramque ri-
pam fluminis prætensum Regnum
invadas, ita, ut utroque pede u-
tramque ripam teneas: & facilis

ad quam partem volueris, bello propendeas. Ita facilius fiet, ut progrediendo cum Exercitibus ab utraque ripa fluminis fortalitia plantes, pontemque extruas in loco, qui tibi commodior pro rationibus belli videbitur.

VII. V A N. *Postquam pontem struxero, tunc transmis-
sis ad alteram partem Copiis,
Urbem capitalem ex utraque
parte obsidionem stringam.*

V E R. Obsidionem non disvadeo, sed simul svadeo; ut non tantum de obsidione, sed & de prælio cogites, qualique modo & urbi sufficias, & succurrenti hosti. Ex una cogitatione duplex tibi difficultas enascitur, ab una parte periculum, ne cedas; ab altera, ne perdas.

VIII. V A N. *Si hostis succur-
sum dederit Urbi, ab Urbe
non cedam, potius hosti aci-
em*

*em opponam: quia & obsidioni
& prælio par sum.*

VER. Sæpe quos spes pares
credidit, fortuna impares ostendit.
Melius est bis ad Urbem redire,
quam semel sub Urbe jacturam
pati. Prudentissimi Ducum sæpi-
sime elegerunt magis credere se-
curitati suæ, quam fortunæ. Te-
merarios quoque magis puduit
solvere obsidionem, quam perde-
re Exercitum. Semper compen-
sari potest, quod distulit pruden-
tia, sed rarissime, quod abstulit
calamitas.

IX. VAN. *Movebo Exercitum
uno milliari ab Urbe, aciesque
instruam ad prelum.*

VER. Ita non armis solum,
sed & civitate vinces hostem,
cum illi obviam iveris; pruden-
ter obtemperabis necessitati, quæ
Magistra est bellandi. Nemo im-
peravit hosti, qui prius non pa-
ruit

ruit. Ergo fausto pede progredere ad pugnam.

X. V.A.N. *Movebo itaque Exercitum versus hostem.*

VER. Mitte prius exploratores, ut scias de hoste; notitia perfecta de inimico, media victoria est. Sæpius ignari, quam debiles, perdiderunt prælia. Præcipuum in agendo impedimentum semper fuit, nescivisse. Ignorantia mater est dubitationis, dubitatio timoris.

XI. V.A.N. *Faciam ergo Consilium cum Officialibus, de formanda & instruenda acie ad pugnam.*

VER. Non dubito; quod consilium erit pucherrimum; delineatio acierum exquisitissima, figuræ in charta ingeniosissimæ: sed causæ consilii difficilimi, rationes variantes, opiniones pugnantes, & tota operis dispositio magis ad memoriam localem, quam ad e-
ven-

ventum actualem formata; non aliter, quam solent facere imperfecti iconum Pictores; qui fœminas depingunt, contenti magis, si venustiores fecerint, quam sunt; quam si similes: Ita & tu pulcherrimam aciei tuæ frontem talem depinges in Consilio, qualem non poteris imitari in prælio. Observa etiamsi peritissimos saltatores, qui chorearum figuræ exactissime addiscunt, eos tamen sæpe, quamvis nemine impediente, aberrare contingit! Tu credis te facilius sub tormentorum iætibus & pulverum nebulis, quam illos sub musicali harmonia ordinem figurarum tuarum observare posse.

XII. VAN. Locum eligam superiorem, quam hostis habere possit; & ibi illum expectabo cum acie jam instrueta
VER. Quando illum expectabis non veniet; sed veniet cum non expectabis

ctabis: sufficiet illi, te ab Urbe removisse. Inveniet etiam situm tibi superiorem, ubi te expectet. Multi ad convivium non veniunt expectati; quanto rarius ad prælrium. Quodsi expectabis congressum, amittes tempus obsidionis; si ad obsidendum redieris, ille te aggredietur. Nescit Bellator tempus pugnæ quando illi supervenierit; si sciverit nulla fortuna erit: quia occasiones præliorum sola Deorum destinatione eveniunt. Quamobrem si hostis alio vertet, & tu situm mutabis: si tu ad Urbem, ille ad te redibit; si tu ab Urbe, ille a te removebitur. Sine armis vincit; qui tempus aufert aggressori. Unde ne tempus perdas, bellumque amittas, primo mensura vires tuas, utrum in duas partes dividere Exercitum tuum valeas. Nimirum, ut uno Exercitu hosti in

an campo infistas, altero obsidioni sufficias. Ita hostem ab impedimento obsidionis amovebis, quia nec Urbem succursu suo petere audebit, ne inter duos Exercitus claudatur. Satius prælium quod desideras, tecum committet. Si vero duo corpora exercitus separata habere non poteris, ut uno obsidionem promoveas; altero hosti prælium opponas: tunc satius ab obsidione te amove, & coniuncto in unum exercitu, hostem pete, congressum quare, ut pugna devicto securius obsidionem tuam formes, at fine metu succensus certius commodiusque Urbem possideas.

XIII. VAN. Sed nunciatur mihi per exploratores, hostem hodierna nocte ad aliam partem fluminis transvisse. Unde lator plurimum, quod hostis recesserit, signum enim est metus illius infallibile.

VER. Ego vero miror pluri-
mum, te inde latari, unde con-
tristari debes. Video enim inde
prudentiam hostilem, quod distu-
lerit illa, quæ tu optas. Nulla
enim major prudentia in bellatore
apparet, quam experiri, quæ hostis
desideret, & quæ metuat, quæ cum tu
metues, ille optabit. Tu cupie-
bas conflitum, ille negavit. Non
hoc signum est metus hostilis,
sed maturioris Consilii, & novæ
alicujus, & validioris cogitationis.
Vereor enim, ne hostis cum au-
xiliaribus Copiis Principis ami-
ci sui conjungatur, quibus colle-
ctis transeat iterum flumen, ut
fortior te aggrediatur, vel com-
meatum omnem (provisa Urbe)
auferat tibi; ut cogaris ex defe-
ctu alimenti aliam terram quere-
re, & exercitum tuum continua
defatigatione extenuare; & ut
ille ipterim semper majores vi-
res

res acquirat, teque longitudine temporis exhaustiat. Tempus enim sibi dat, qui hosti aufert: momenta, quæ effugiuntur, validissima sunt. Et nihil magis hostile judicium confundit, quam insperata actionis mutatio.

XIV. VAN. *Quod timebamus, venit, nimirum: quod hostis ex altera parte fluminis cum Copiis auxiliariibus Exercitum suum conjunxit. Quid ergo agendum est? & utrum ad alteram partem fluminis transeundum cum exercitu, hostique occurendum, an ex hac parte expectandum.*

VER. Dicebam, melius hosti insistendum erat, quam Urbi. Facilius est devicto hoste Urbem obfidere, quam armis & tempore firmato Bellum prosequi. Regnum alienum quarantibus, hoc vel maxime cavendum est, ne prius

prius de terra, quam de hoste cogitent. Defensore sublato ipse Urbes patescunt: Primum studium est, Campus, ultimum, Porta. Fortunam extendere ioporet, non claudere: cogitandum tibi erat prius, quid hostis faceret, quam quid tu. Non potuit invasus aliud, quam auxilium querere; studendum erat, ne quereret; aut impedendum, ne haberet. Semper dixi: transitus fluminum raro non magnorum moliminum indicia sunt. Nunc cogitandum est, an flumen transeas, vel hic hostem expectes: prudentius tamen manendum hic existimo. Ex hac parte fluminis jam virium tuarum certus es ex altera non securus. Magnus fortunæ tuæ mediator fluvius esto, major moderationis & patientie Magister maximus expectandæ ab hoste doctrinæ Consiliarius. Melius tibi unius ripæ Possessorem fieri, quam utri-

utriusque ambiguum. Periculosis-
us est, ad hostem transire per
flumen, quam ad flumen hostem
expectare. Illius lahor, tua do-
ctrina erit. Quantum virium ha-
beas, jam ille novit, tu adhuc ig-
noras, quantum illi acceſſerit;
ita video, ex utraque ripa fluminis
alter alteri arbitrium dabit; quis
prior vestrū transire malit, &
ab alio doctior fieri; tu tamen co-
gita, ne otiosus hic maneas. Pon-
dera modos sustentamenti Exer-
citus, ut alimenta habeas, quæ suf-
ficiant: quodsi virium non satis est,
adauge copias, tracta cum vicino
Principe, ut hostilis auxiliatoris
ditiones invadat, copiasque auxi-
liares ab hoste divertat, vel si
opus fuerit, tibi supeditet. Sed
satius, si tuis vales, alienas ne-
quæ manus; formidolosæ enim
sunt, nihilque tam infirmum, quam
potentia alienis viribus innixa. Sa-
tis

tis tibi erit dominium primo impetu usque ad ripam fluminis extendisse: quod jam occupasti; cautus tene: quod nondum, patientia habere disce. Magnis conatus nunquam fida socia fuit fortuna velox: Tu satis curabis, si ex hac parte fluminis, quod sucjugasti, tenueris, hostem ad te transire non permiseris, exercitum servaveris, dominium firmaveris, de hoste plenam notitiam habueris. Interim prudenter cessa. Sæpe intuitum est, longiores alas rebus, quam temporibus dare.

CONSULTATIO VIGESIMA SECUNDA.

De Causis Pacis & Tractatu ejusdem.

I.

VANITAS. *Delibero: An debam bellum continuare, vel contentus aquistione eorum, quam teneo, pacem amplecti.*

VERITAS. Melius est, & facilius, tunc pacem facere, quando tu vis, quam expectare, ut hostis nolit. Pax est, quæ confirmat & ratificat acquisitionem vicitoris. Nihil optabilius est, quam sæpe possidere, & cito pacisci. Extenuari solet fortuna longitudine temporis, & sicut filum nimis extensum, ex improviso rumpitur, dum nimium extenditur: firmiorque est fortuna, quæ trahit, quam quæ trahitur.

H. VAN. Sed nullam habeo adhuc causam quærendæ pacis, cum sim superior armis, quam hostis.

VER. Satis causarum pacis inventies, si miserias & incertitudines bellorum ponderaveris, si de te cogitaveris, ut de hoste; si judicaveris quam exitiosum sit, nolle temperare felicitatem. Videte vos omnes, qui tam intense ac impen-

impense proficere studetis in hac
vestra Regnorum mercatura! non
possidetis, sed commutatis terras,
acquiritis, tanquam reddituri;
& redditis, tanquam recepturi;
vel tanquam Mercatores, qui suas
merces nunquam sine damno diu
retinent, & non sine lucro cito
expediunt. Incertæ ac instabiles
sunt Victorum potentiae, & feli-
cissima bellorum momenta, quæ
primis ausis instar juventæ florue-
runt, ipsa temporis lassitudine ve-
luti senio marcescunt. Nec sa-
tis est, te superiorem armis vi-
deri, ut continuo in culmine for-
tunæ consistas; quia omnes intensi
Bellatorum sudores similes sunt in
balneo sudantibus, ubi quanto
quis superius considerit, magisque
sudaverit, tanto citius descendit;
ascenditque alter, ut pariter su-
det, ita omnia magno sudore par-
ta,

a, ab imminenti vicissitudine frigescunt.

III. VAN. *Nihil adhuc metuo,
quod me inducere possit ad
faciendam pacem.*

VER. Ne sequaris necessitatem ; prævenias prudentia : utilius pacem facies , dum fortuna est tua , quam cum fuerit aliena. Inter causas pacis , turpissimus est metus. Tempestive casus prævide , ne sero metuas : semper apud miserios ultima est pacis causa , adversa fortuna. Gloriofius pacem dare , quam accipere. Causas quæris , quæ te inducere possunt ad faciendam pacem ? prius quære effectus belli , prudentius ex fine causas disces. Inquire tecum , an in solido fundamento bellum inchoasti , & an victoria tua non sit tibi invitamentum deterioris fortunæ . Revolve , quot Vincnos habeas , qui fortunam tuam

torvo oculo aspiciunt; qui adver-
sarii tui potentiam erigere malint;
quam metuere tuam: quibus pro-
gressus tui existimabantur adversi,
quia nimii, & ex eo suspecti. A-
pud vicinos enim Principes idem
consetur, fortunam diminui suam,
quam excedere alienam. Inde
virium tuarum diversiones expe-
cta, incursionses in terras tuas, di-
visionses armorum tuorum, succur-
sus hosti tuo venturos ab iis, qui
ex re sua ducent ponderare felici-
tatem tuam, & potentiam co-
quare cum aliena. Hinc tibi pro-
venient incommoda emolumentis
superiora, & magis semper ar-
dua, & persæpe insuperabilia ob-
stacula; distantia bellandi, & lo-
corum pericula; victualium penu-
tia, lassitudo ac tedium militis,
& divisus in diversa belli studia
exercitus. Unde quot partes ar-
morum in se disse, tot dubia

consiliorum, & perplexæ, ac periculose resolvendi belli difficultates enascentur.

H. VAN. Sed vellem scire, quæ mihi occasio erit facienda pacis, ut mihi sit & honesta, & utilis.

VER. Arduos quidem pacis effectus in duabus conditionibus difficillimis posuisti; nimirum, honesto. & utili: quod utrumque apud optimos quandoque rarissimum, apud pessimos semper impossibile est, adeo, ut sicut virtus honestati, & fortuna utilitati famulari solent, raroque inter se conveniunt; ita & virtus ab utilitate, & fortuna ab honestate, remotissima sint. Tu vero ut occasionem pacis pallio honestatis pulcherrime vestitas, indue æquanimitatem. Inter ultimas hostium rationes speciosissimum est necessitatis nomen. Meditatio amici,

134 *De acceptanda Mediazione.*

nunquam in honestus titulus æquitatis: nihilque in tractatibus honestius evenire potest, quam de eo, quod ipse maxime velis, ab amicis rogari. Cum vires deficiunt inimicorum, incipiunt preces amicorum.

CONSULTATIO.

VIGESIMA TERTIA.

*De acceptanda Mediazione Pacis
& circumstantiis in ea necessariis.*

I.

VANITAS. Offert mihi mediationem Pacis cum Adversario meo, Princeps Amicus meus, & Vicinus.

VER. Prius illum, an æquus Mediator, considera; an verus Amicus, proba; an bonus Vicinus, experiare. Ego enim vereor; ne malit potius esse poterit.

ac fortunæ tuæ Moderator, quam
inimicitarum vestrarum Mediator.
Vicus enim, qui offert mediationem vicino victori, ostendit se
victorias ejus ægre ferre: quia
magis concordiam utriusque, quam
potentiam unius videre. Hoc sem-
per observavi, quod bellis amico-
rum solent gaudere vicini, quam-
diu illos inter se pares fortuna ju-
dicant: ubi unus eorum successu-
nimum antevenerit, tunc media-
tio, speciosissimum litoris nomen,
assumitur.

II. VAN. *Venit ad me Lega-
tus ab Amico cum propositio-
ne Pacis.*

VER. Credo facile, quod
optet te potius pacificum vici-
num habere, quam fortem.
Quia debiliorem te facere non po-
test, curat saltem fieri æqualem.
Hoc semper commune est Princi-
pium amicorum inter se, quorum

F 3 vires

vires viderint majores, eos sibi maxime suspectos, mediante pacis opera, quam honorificentissime disarmare velle.

III. VAN. *Audiam Prius,
quid Legatus iste mihi proponet: ut possim deliberare.*

VER. Non dubito, quod audies ab illo multa magnifica, & inania; magna lumina verborum, & majora nubila rerum; speciosa, indirecta, conditionata, supposita arguta tentativa, plausibilia, affectata, facunda; plus argumentorum quam documentorum sonantia; uno verbo: tanta quanta Legatus potest dicere; vel quanta Princeps sperare incautus: ad quæ omnia audienda cuperem hoc maxime, ut tu & adversarius tuus, commutaretis aures intèr vos, æque ut Midæ longissimas, quibus & ille, quæ tibi ab eo dicta sunt, & tu, quæ illi ab altero, pariter audire possetis: quæ conformia, quæ

quæ diffona; si ambobus vobis e-
adēm, aut ab alterius dictis aliena
intelligeretis, tunc certus sum,
abjecturos vos sponte omnes ho-
stilitatis vestræ austерitates, & ami-
ca fronte odia in risus absque ul-
lo Mediatore conversuros.

IV. VAN. *Sed tamen intelli-
gam ex dictis ejus tenorem
propositionum, & penetrabo
sinceritatem.*

VER. Metuo, ne ambo inter-
vos, aliter intelligendo verba, i-
psam rem non intelligatis: aut si
intellexeritis; videamini non in-
telligere. Et sic dicta erunt clara,
sed facta obscura. Multi enim in-
tractatibus ne prætensiones in per-
petuum excludant, conditiones
consulto obscurant, malunt enim
esse verborum interpretes, quam
evictores. Quia tutius est quædam
non expressa reservare, quam
expressa clare concedere. Et

sic tractantur s^epe incertissima
aucupia Regnorum.

V. VAN. *Liberum mihi erit de-
inde non acceptare conditio-
nes mediationis, si mihi non
placuerint.*

VER. Nequaquam, utrumque
enim duco periculosum; & præ-
cociter Mediatori annuere, & se-
ro ab illo revocare sperata. Ve-
reor quippe, ne dum mediatore-
rem amittes, hostem facias; & in
partes adversarii tui aperte ac ne-
cessario impellas. S^epe enim fit,
ut mediator, cui non succedit di-
vertere potentiam vicini mediatio-
ne pacis, eligat potius colligari-
cum parte debiliori, quam expe-
ctare formidolosa semper, & sus-
pecta a vicino potentiae pericula.
Satius itaque existimo, parere a-
amicitiæ, quam necessitati; & cre-
dere, quæ optas, ne videaris o-
stendere, quæ metuas.

De acceptanda Mediatione. 139

VI. V A N. *Destinabo ergo
Commissarios, ut feliciter in-
cipiant Tractatum Pacis.*

V E R. Non disvadeo, ut in-
cipiant (&, ut ais, felicissime)
dummodo possint etiam quam ho-
nestissimis verborum mendaciis po-
pulum a bello salvare.

C O N S U L T A T I O.

V I G E S I M A Q U A R T A.

*De Tractatu Pacis, & Conclusio-
ne utili & proficua.*

I.

V A N I T A S. *Jam Commissarii
mei inchoaverunt Tractatum
Pacis.*

VERITAS. Optime, dummo-
do tractent & concludant, non tan-
tum quod est commissum, sed &
quod permisum. Scimus enim (ut
ait Plautus) quod pacto soleant
F 5 per-

perplexarier: pactum, non pactum est, non pactum, pactum est; cum illis lubet.

II. VAN. *Primo consilium meum requirunt, an debeant ostendere generalem Plenipotentiam, vel in aliquibus punctis illam reservare.*

VER. Ego tamen certus sum, quod magis tuam potentiam aspicient, quam illorum Plenipotentiam: majorem fidem vires, quam verba invenient. Dolose tractantibus magis plena fiducia semper deest, quam Plenipotentia. Nil valet ostendere commissa, si non servabuntur promissa. Ego nullum commodum inde puto, diu in plenipotentia morari: satiis enim hominum in bello, perdidimus; hoc adhuc deest, ut perdamus; & tempora. Plus docet conditio & status victoris, quid permittendum sit, & quid cedendum

dum, quam zelosissima folia Ple-nipotentis. Cito ostendat, ut cito possideas.

III. V A N. Secundum punctum est ad resolvendum; utrum il-lis cedere possimus aliquid de acquisitis.

VER. Meo judicio interrogandi quoque & illi sunt, si & illi no-bis concedere possunt aliquid de nondum acquisitis. In litigando ille solidius respondet, qui tenet. Deterior pax est vel ipso bello, quæ parta cedit, quam quæ amissa concedit. Ita melior effet & felicior hostilitatis conditio, quam amicitiæ; si illud tanti sudoris emolumentum, quod non unus la-bor dedit, una pax eriperet. Nun-quam juste restituitur; quod dif-ficille paratur; quia acquisitio vi-toris; merces est virtutis.

IV. V A N. Hoc credo illis posse permitti, ut ad hanc flu-

minis ripam confinia nostra extendantur.

VER. Ego autem credo, quod limites vestros si novæ cupiditates mutaverint, nec flumina custodiēnt; effluent cum tempore & passa, si rapidior erit flumine voluntas: illeque plus altero terræ possidebit, qui plus erit contentus suo. Immane est, plus credere flumini, quam fidei. Nihil incertius est & instabilius, quam confinia inter non contentos.

V. VAN. *Montes quoque per medietatem constituent limites, & pars sylvarum dividetur.*

VER. Optime, ut sciant & Sylvani & Monticolæ, quousque vestra cupiditas pervenerit; & quod nec DEUS, nec natura divisit, vos scindere præsummitis. Illi locorum termini certissimini vobis erunt, quos moderatio & aquitas assignabit, non quos possiden-

dendi desiderium ostendet. Quid prodest loca describere limitibus, si eventus rerum non possumus imponere temporibus. Hæc duo simul respice: *Quantum & Quamdiu.* Quandoque plura sibi auferre solet; quam tribuere nimius possidendi amor: quia alienæ rei acquisitio, conjunctum propriæ periculum facit. Ostendam tibi, quæ limites tuos perpetuo custodiant; non extorta vicinitas, sed jucunda; possessio non erepta, sed diu oblivioni data; non victor terræ Dominus, sed immemor extranei hæreditis colonus; terra non armorum injuria parata, sed avorum antiquitate relicta. Hæc sola regnorum tutissima confinia sunt.

VI. Fortalitia aliqua demolientur ab utrâque parte, & duo tantum in alio passu erigentur.

VER. Et hæc perplexissima pacis conditio mihi videtur mutare

F 7 loca,

loca, non occasiones bellorum. Fortalitia, quæ dirues in uno loco propter concordiam, fabricabis in alio propter discordiam. Transferentur tantum offendionum lapides, non cessabunt. Probabitis inter vos, quis vestrum muris durior sit. Et ubi de novo surgent castella, denuo resurgent & castra; bellumque ad vos his gradibus redibit: Primo, certabunt inter se subditi, deinde Gubernatores, postremo Domini. Non panis, non merces, non annona, non pascua alterius grato oculo aspicientur; nihil erit uniprovisum, quod alteri non sit invisum. Credo, si fieri posset, non communem aërem esse hominibus, quod in eo etiam fortalitia appendere quereretis. Imponite frena cupiditatibus, non passibus; fortiores erga vos animos, quam arces habete. Una sit æquitas

tas amborum, hæc magis inter vos pacem cavebit, quam fortalitia duorum. Sed video, quod hi Mediatores vestri magis laborant, ut bellum inter vos illis suspectum finiatur, quam vera amicitia conservetur. Quia aut metuunt, ne ad alios fortunæ incommoda perveniant, aut malunt fortitudines vestras ac debilitates interposito pacis intervallo metiri: solent enim Principes suspectis oculis vicinorum certamina intueri, quando vel adhærere parti periculorum ducunt, vel otiali dedecorum & inutile. Unde ancipites, pallio pacis alienæ, formidinis suæ arcana operiunt, Quainobrem raro in mediationibus respicitur, ut solida pax firmetur, dummodo suspectum bellum dissolvatur. Sed non minus respiciendum est, qua securitate pax stabiatur, quam quomodo bellum finiatur.

VII, VAN. Non potest esse
major securitas, quam cautio
Mediatorum, vulgo Garantia,
quæ mihi dabitur ab illis.

VER. O quam importunissimum
remedium ! quanta servitus coactæ
amicitiae & voluntatis ! ex respe-
ctu alieno amicitiam retinere : ne
unus hostis habeatur , preparare
sibi secundum : non satis tibi ob-
fuit unus hostis , ut velis iterum
habere duos . Quæ amicitia ve-
strum erit ? cuius fides non ex
animi arbitrio , sed ex alterius
metu æstimabitur ; o quam pul-
cherrimum securitatis propriæ in-
nodamentum ! nullum ad se haben-
ti , dare prætextum , Cogitandum
ergo vobis est statim & de secun-
do mediatore , qui bellum , quod
inter duos actum erat , inter tres
componat . Sæpe enim evenit ;
quod illi , qui non habent intran-
di causam in terram alienam , quæ-
xunt

tunt fieri mediatores, ut cum illis
opus fuerit, fiant irritatores, deinde
(cujus parti magis proderit) vin-
dicatores, ac postremo rerum u-
surpatores. Ego infelicem illam
prorsus amicitiam existimo, quæ
externi arbitrio regitur. Vultusne
potius equorum non hominum
more ad invento freno, ab aliis
ad amicitias duci? securitatem in-
ter vos queritis; nescio cur fir-
miorem alieno ingenio, quam ve-
stro. Ergo majoris autoritatis &
respectus apud vos censebitur ille,
qui vobis fide jusserrit, quam
qui vobis fidem servaverit? quo-
modo alienæ virtuti creditis, si
vestræ dissiditis? Si veram se-
curitatem vestræ fidei habere vul-
tis, credite potius constantiæ
vestræ; quam alienis promissis,
& veram, pacis securitatem,
certiorem a propria fide vestra,
quam ab ipso fidejussore expectate.

VIII.

VIII. VAN. *Nonne melius es-
set juramenti Sacramento, quam
fide iussione Mediatorum Ar-
ticulos pacis assecurare.*

VER. Credo, quod melius, si magis timueritis DEUM, quam homines. Fidejussores persæpe & falluntur, & fallunt, DEUS autem nec fallit, nec fallitur unquam; quod vobis fortassis non placeret: video enim, quod non vultis utilitates vestras, æternitatis pretio mensurare; quia minus vobis videtur, contineri conscientia, quam manu. Ut bene examines tecum, juramentone an Garantia obfirmare pacta tua debeas? elige apud te prius, quem decipere malis, DEUM, an Fidejussorem? aut consentire, ut unum ex vobis, aut ambos vos decipiatur Fidejussores. Duo enim ex temero juramento solent provenire mala, ut ait Sophocles: Culpari amicis, & Deos

os offendere. Si ea juraveritis , ad quæ tenemini , præstandum magis est , quam timendum ; si vero illa , ad quæ non tenemini , quomodo servabitis ea , quæ servare non tenemini ? nonne sufficit probitas vestra ? non adsciscite Deos ignorantius mortalium : sed ut promissorum fidem habeatis ; tales Orbi appareatis , ut magis vobis ipsis , quam ipsi juramento credatur.

CONSULTATIO
VIGESIMA QUINTA.

De Status Regimine tempore Pacis , & ordinatione rerum necessaria.

I.

VANITAS. *Iam pax conclusa est , quid faciemus ? & quomodo res status ordinabimus.*
VER.

VER. Pacem fecisti , sed non habebis , si cum hostibus tantum , non tecum. Pejores sunt , adversarii pacis , quam belli , animorum , quam armorum. Et sicut ægritudines capitîs graviores sunt & periculofiores , quam manuum & cæterorum membrorum ; ita , si caput pacem non habebit , quod tu es , tunc et totum Regni tui corpus secum dissentiet. Quod si veram & perfectam pacem habere volueris , mature illam ab otio distingve , ne Regnum , quod virtute & labore ampliasti , sub svavissimo pacis vocabulo per ignaviam amittas. Perniciofissimum Virtutis & securitatis venenum est , desidia ; si cessavit cum bello labor , inchoabuntur graviores cum statu curæ cogitandumque tibi est , ne alios hostes non habendo , facias tibi cives : sæpe mala , quæ bellum & labor diu frenavere ; repente laxavit vitiis , iminens virtuti exitiosa torpedo.

II. V A N. *Iam non erit mihi opus exertitu; unde melius exiftimo exauctiorare Copias, quam cum magnis impensis fruſtra alere.*

V E R. Si fortitudini tuæ & securitati renuntiaſti cum bello, exercitum dimitte; inter präcipua pacis studia pulcherrima omnium ars est, commode vires servare, nunquam amittere; vides, quod fortissima animalium ipsa docuit Gubernatrix natura, ungvibus uti ad prädam, & post prädam tamen servare. Et turpe eadem natura iudicavit deeffe dentes etiam mordere nolentibus: Nonne Arſenalia & Pyrothecas servabis etiam finito bello? arma quoque & machinas bellicas non alienabis, tanquam servitura? Militem vero, nobillissimum Imperii tui decus, populi tui robur, & publicæ secutitatis brachium, tanquam minus neces-

necessarium existimas. Duabus ex causis vel potissimum militem tibi necessarium esse censendum est. Primum, ut nunquam metuas: deinde, ut semper metuare. Ut enim turpe est sine nobilitate Regnum, ita & indecora sine armis Nobilitas. Nemo putatur æger, nisi viribus destitutus. Et sicut prudentes Medici statum ægroti illi melius curant, qui vires conservant, quam qui multa pharmaca porrigit; ita status Regni tui melius valebit; bene ordinatis viribus, quam multis & perplexis jūribus.

III. VAN. *Exauditorabo Exercitum, quia modo miles non est mihi necessarius.*

VER. Non tantum servandum est, quod necessarium est, sed quod necessarium esse potest, necessarium vero illud semper est, quod non semper haberi potest; milites boni difficile fiunt,

fiunt, difficillius efficiuntur, diffi-
cillime inveniuntur. Si dimittes
Exercitum, amittes robur, per-
des famam; non pacem coles,
sed inertiam; & vires, cum opus
tibi fuerit, non habebis. Extin-
gventur arma instrumenta Virtutis,
ex quibus Nobilitatis decus, &
Patriæ securitas. Nunquam magis
timendi sunt hostes; quam Pacis
tempore. Sereno cœlo commo-
dius est aucupium, & quiescenti-
bus in aquis certior est piscatura.
Sponte metuenda sunt mala, ne il-
la inviti timeamus; In pace qui-
etum te esse volo, non imparatum;
ita pacem cole, tanquam subdito
pugnaturus: hoc unum in pace fe-
licissimum est, posse retinere vi-
res, nunquam amittere: & ita a-
amicis pacem servare, ut non ne-
cessitati amicitiam nostram debeat;
sed virtuti.

IV. VAN. Credo, quod amore
pacis stabilitae, Status Regni
quietem omnem amplectentur,
ideo non mihi erit difficile pa-
catam habere Rempublicam.

VER. Imo nihil magis arduum
quam felicitas sine excessu, gau-
dium sine protervia, securitas si-
ne desidia, abundantia sine luxu;
& quietis fiducia sine periculo.
Secum pugnare solent, qui ho-
stem non habent. Nunquam con-
tentus est populus in felicitate ni-
mia constitutus; possibilius est in-
felicem juvare, quam coercere
felicem; qui hostem non habent,
Principem accusant: æmulatio,
quæ cum Adversario cessat, intra-
se ipsos exercetur. Unde cogi-
ta, & prudenter provide, ne ma-
la, quæ cum hostibus desierunt,
cum Civibus incipient: ac impri-
mis paratus esto minime turbari
accusatione populi. Qui enim nul-
la

mala sentiant, stulant querere,
quem accusent. Unde si Rempu-
blicam in pace quiete regere cu-
pis; non graveris reddere ratio-
nem etiam bene factorum, Cave
quoque nimis Legibus circumseri-
bere statum; varietate enim Le-
gum simplicitas Iustitiae tollitur;
qua sublata, fundamentum Regi-
minis subvertitur. Nunquam enim
evertitur Libertas, nisi prius
contemnatur Justitia; & cum Ju-
stitia cadit Majestas, cum Maje-
state timor, cum timore pudor &
pietas; deinde sequitur pessimus
licentia&fructus ipsa libertatis amissio.

V. V A N. Curētos (ut ait
Historicus) dulcedine otii al-
liciam ad obsequium & obe-
dientiam.

V E R. Semper secum cognata
sunt mala, otium & vitium; so-
lo labore virtus, vera felicitas
paratur. Cogita potius, quibus
G. arti-

156 De Reeginine Status.

artibus in otio populum occupies,
ne perversa & abrupta contra te ma-
chinetur. Fortior enim esse solet in
otio contumacia. Si vitiis populum
occupabis, lucrabes proprium sem-
per nequitiae fructum, insolentiam;
ex otio enim vitium, ex vitio nequi-
tia, ex nequitiis insolentia, ex insol-
entia temeritas & seditiones nascun-
tur. Vide ergo quam amarum finem
habeat otii tui dulcedo, quam felicior
est amara virtus, suavi abusus felicitatis

L. VAN. Quibus ergo modis di-
vertam Populum a licentia.

VER. In primis rigore Legum,
Disciplina Universali, & autoritate
Magistratum. Prius semper negli-
guntur vicia privatorum; deinde in
publicum erumpunt. Exempla im-
punitatis magnum Jus tribuunt sce-
leribus, & deinde eversioni Reipu-
blicæ. Facilius supprimuntur mala,
quæ in recenti emergunt, quam quæ
longo peccandi usu invaluerunt:
nihil in principio negligendum est

in malis, ne dilatione poenæ excrescant; & justitiae mora invalescant; unde licentiae malum melius in privatis amputa, ante quam flagitia publicum sibi nomen nanciscantur. Postquam solidaveris justitiam, & cum ea autoritatem publicam; florem Militiae elige & conserva, & conservatum exerce. Et ne otio torpescant, satius bellum inventias, quod tibi pro sit, quam ignavam pacem habeas, que sibi ob sit. Nullum enim magnum Imperium diu sine bello stare potest, & Pax magnorum Regnorum nil aliud est, nisi commutatio incommodi belli, in commodus; vel dispendiosi, in utilius. Quia nec Virtus sine Adversario nec summa potestas sine armis, nec arma sine exercitio, nec exercitium sine bello, ullatenus subsistere possunt. Ita miseri sunt qui bello, quam illi, qui invidia carent.

VII. VAN. Finaliter cuncta negotia Reipublicae ad Senatum

458 De Statu Reg. Tempore Pacis
referam, quia sic minus invidiae
habebo, & plus sociorum al-
laborem.

VER. Speciosissimum proposi-
tum imperfete concludendi, ut ni-
hil eorum fiat, que consuleris. Ti-
berius, maximis erat destructor
Consilii cuncta ad Senatum referen-
do. Promptissimus Consilii est mo-
dus, necessaria cito facere, justa non
differre; & que lex jussit, continuo
exequi; ipsum Consilium inconsul-
tissimum est, quod necessariam dif-
fert actionem. Que referenda sunt
ad Senatum, illa sic distingue: ni-
mirum; quod alia sunt referenda Se-
natui; alia referenda, ad Senatum.
Que utilitatem publicam spectant;
prius facias, quam referas; que tuam,
prius referas, quam facias. Cetera
Consiliorum fortuita & vana sunt,
que ex sorte ingenii, & ipsa rerum
vicissitudine mutantur.





